


九家舊晉書輯本

一







九家舊晉書輯本

(一)

湯球輯

# 九家舊晉書輯本

## 臧榮緒晉書輯說

臧榮緒括西東晉爲一書。成紀錄志傳百一十卷。可謂集晉書之大成矣。故後人引其書。雖標名者固多。而未標名者亦不少。前輯臧書數卷。又另輯無名氏舊晉書數卷。蓋其慎也。今均亡矣。然究而審之。如言諸帝之事。不稱某帝而稱某祖。某宗。列傳諸人。祇稱某郡人。不稱某郡某縣人之類。其體例多同。則不標名者之爲臧書可知。故今合而輯之。而注其明標未標。以便後人檢閱。但唐以前書所引。無論與唐修書同不同。自可一一錄出。而唐以後書所引。未標名者。率多爲唐修之書。然亦有販唐以前之類書而來者。故必其與唐修之書。或字句不同。或敘次不同。及有煩瑣特詳者。自係未經唐修之原本。故亦爲之錄出。以俟考。或曰。未標名者。不閒有王隱書乎。然考臧書多本於王。則謂此爲臧書。亦無不可。今且合而輯之。以俟後人裁定云。



# 九家舊晉書輯本目次

臧榮緒晉書十七卷補遺一卷	一
王隱晉書十一卷	一八三
虞預晉書	三六三
朱鳳晉書	三七五
謝靈運晉書	三七七
蕭子雲晉書	三七九
蕭子顯晉史草	三八一
沈約晉書	三八三
何法盛晉中興書七卷	三八五
晉諸公別傳	四九三

# 九家舊晉書輯本

## 臧榮緒晉書卷一

黔縣湯球輯

### 高祖宣帝

魏武辟高祖。高祖以漢祚將終，不欲屈節於曹氏，辭以風痺不能起居。魏武遣親信令史微服於高祖門下樹蔭下息。時七月七日，高祖方曝書，令史竊知，還具以告。此七句新書無。上下文亦稍異。乃重遣辟之，敕行者曰：若復不動，便可收之。高祖懼而應命。御覽三十一雖引晉書，與新不同。

魏太和四年，宣帝鎮關中。御覽五十七。

青龍二年，諸葛亮率衆出斜谷。初學記六。

諸葛亮攻郿。御覽五十七。

高祖拒亮，遂濟渭水，背水爲壘。初學記六。

亮據渭水南五丈原，帝禦之，對壘相持百餘日，俄而亮卒。御覽五十七。

遼東太守公孫文懿反。詔宣帝討之。初學記九

景初二年。發自京東。都過魏。溫詔郡守已下。皆會幕次。父老故舊。燕飲累日。初學記六

遼東以諸將獻捷交至。乃申授前命曰。躬擐甲冑。襲行天罰。掃平區域。申滅當作威。吳會。裨贊皇靈。被於南

國。初學記九

嘉平元年。曹爽兄弟從謁高平陵。宣王舉兵誅爽。大司農桓範出赴爽。宣王謂蔣濟曰。智囊往矣。濟曰。智

則智矣。驚馬戀棧豆。爽必不能用也。事類賦注二十一

武帝受禪。宣帝追號曰高祖。文選關中詩注

### 太祖文帝

文帝諱昭。文選王明君辭注

景元四年。伐蜀。天子二字原引作遼東。以諸將獻捷交至。乃申授前命曰。朕以寡德。獲承天序。嗣我祖宗之洪烈。

遭家多難。不明於訓。曩者。姦逆屢興。方寇內侮。大懼淪喪四海。以墮三祖之弘業。惟公經德履哲。明允廣

深。迪宣武文。世作保傅。以輔又皇家。櫛風沐雨。周旋征伐。劬勞王室。二十有餘載。毗翼前人。仍斷大政。克

厭不端。維安社稷。暨儉欽之亂。公綏援有衆。分命興師。統紀有方。用緝寧淮浦。其後。巴蜀屢侵。西土不靖。

公奇畫指授。制勝千里。是以段谷之戰。乘釁大捷。斬將搴旗。效首萬計。孫峻猾夏。致寇徐方。戎車首路。威

靈先邁。黃鉞未啟。鯨鯢竄迹。孫壹構隙。自相疑阻。幽鑿遠照。奇策洞微。遠人歸命。作藩南夏。爰授銳卒。畢力戎行。暨諸葛誕滔天作逆。稱兵揚楚。欽咨逋罪。同惡相濟。帥其蝥賊。以入壽春。憑阻淮山。敢距王命。公躬擐甲冑。襲行天罰。玄誅廟算。遵養時晦。奇兵震擊。而朱異摧破。神變應機。而全琮稽服。取亂攻昧。而高塘不守。兼九伐之弘略。究五兵之正度。用能戰不窮武。而大敵殲潰。旗不再麾。而元慙授首。收勅吳之雋臣。係亡命之逋虜。交臂屈膝。委命下吏。俘馘十萬。積尸成京。雪宗廟之滯恥。拯兆庶之艱難。掃平區域。申滅當作威。吳會。裨贊皇靈。被於南此二句新晉書無國。遂戢干戈。靖我疆土。天地鬼神。罔不獲乂。乃者王室之難。變

起蕭牆。賴公之靈。弘濟艱險。宗廟危而獲安。社稷墜而復寧。忠格皇天。功濟六合。是用疇咨古訓。稽諸典籍。命公崇位相國。加于羣后。啟土參墟。封以晉域。所以方軌齊魯。翰屏帝室。而公遠蹈謙損。深履沖讓。固辭策命。至于八九。朕重違讓德。抑禮虧制。以彰公志。于今四載。上闕在昔建侯之典。下違兆庶具瞻之望。惟公嚴度王度。闡濟大猷。敦尚純樸。省繇節用。務穡勸分。九野康乂。耆叟荷崇養之德。鰥寡蒙矜卹之施。仁風興于中夏。流澤布于遐荒。是以東夷西戎。南蠻北狄。狂狡貪悍。世爲寇讎者。皆感義懷惠。款塞內附。或委命納貢。或求置官司。九服之外。絕域之氓。曠世所希至者。咸浮海來享。鼓舞王德。前後至者八百七十餘萬口。海隅幽裔。無思不服。雖西旅遠貢。越裳九譯。義無以踰。維翼朕躬。下匡萬國。思靖殊方。寧濟八極。以庸蜀未賓。蠻荆作猾。潛謀獨斷。整軍經武。簡練將帥。授以成策。始踐賊境。應時摧陷。狂狡奔北。首尾

震潰禽其戎帥屠其城邑。巴漢震疊。江源雲徹。地平天成。誠在斯舉。公有濟六合之勳。加以茂德。實總百揆。允釐庶政。敦五品以崇仁。恢六典以敷訓。而靖恭夙夜。勞謙昧旦。雖尙父之左右文武。周公之勤勞王家。罔以加焉。昔先王選建明德。光啟諸侯。體國經野。方制五等。所以藩翼王畿。垂祚百世也。故齊魯之封于周。爲弘山川土田。邦畿七百。官司典策。制殊羣后。惠襄之難。桓文以翼戴之勞。猶受錫命之禮。咸用光疇大德。作範于後。惟公功邁于前烈。而賞闕于舊式。百辟於邑。人神同恨焉。豈可以公謙沖而久淹弘典哉。今以并州之太原。上黨。西河。樂平。新興。雁門。司州之河東。平陽。弘農。雍州之馮翊。凡十郡。南至華北。至於陘。東至於壺口。西踰於河。提封之數。方七百里。皆晉之故壤。唐叔受之。世作盟主。實紀綱諸夏。用率舊職。爰胙茲土。封公爲晉公。命使持節兼司徒。司隸校尉。陔。卽授印綬。策書。金獸符。第一至第五。竹使符。第一至第十。錫茲玄土。苴以白茅。建爾國家。以永藩魏室。昔在周召。並以公侯入作保傅。其在近代。鄩侯蕭何。實以相國。光尹漢朝。隨時之制。禮亦宜之。今進公位爲相國。加綠綬。又加公九錫。其敬聽後命。以公思弘大猷。崇正典禮。儀刑作範。旁訓四方。是用錫公大輅。戎輅。各一。玄牡二駟。公道和陰陽。敬授人時。嗇夫反本。農植維豐。是用錫公袞冕之服。赤舄副焉。公光敷顯德。惠下以和。敬信思順。庶尹允諧。是用錫公軒懸之樂。六佾之舞。公鎮靖宇宙。翼播聲教。海外懷服。荒裔款附。殊方馳義。諸夏順軌。是用錫公朱戶以居。公簡賢料材。營求俊逸。爰升多士。寘彼周行。是用錫公納陛以登。公嚴恭寅畏。底平四國。式遏寇虐。



奇厲不作。是用錫公虎賁之士三百人。公明慎用刑。簡恤大中。章厥天威。以糾不虔。是用錫公鈇鉞各一。公爰整六軍。典司征伐。犯命凌正。乃維誅殛。是用錫公彤弓一。彤矢百。旅弓十。旅矢千。公饗祀蒸蒸。孝思維則。篤誠之至。通於神明。是用錫公柎鬯一。珪瓚副焉。晉國置官司以下。率由舊式。往欽哉。祇服朕命。弘敷訓典。光澤庶方。永終爾明德。丕顯余一人之休命。此段因略見初學記九。故用新晉書補足。

魏帝封太祖爲晉公。太原等十郡爲邑。進位相國。備禮九錫。太祖讓不受。公卿將校皆詣府勸進。阮籍爲其辭曰。沖等死罪。伏見嘉命顯至。竊聞明公固讓。沖等眷眷。實有愚心。以爲聖王作制。百代同風。裒德賞功。有自來矣。昔伊尹有莘氏之媵。臣耳一佐成湯。遂荷阿衡之號。周公藉已成之勢。據旣安之業。光宅曲阜。奄有龜蒙。呂尙磻溪之漁者也。也字依新晉書加。一朝指麾。乃封營邱。自是以來。功薄而賞厚者。不可勝數。然

賢哲之士。猶以爲美談。况自先相國以來。世有明德。翼輔魏室。以綏天下。朝無闕政。新作批民無謗言。前者。明公西征靈州。北臨沙漠。榆中以西。望風震服。羌戎東馳。新作來迴首內向。東誅叛逆。全軍獨克。禽闔

閩之將。斬新作輕銳之卒。以萬萬計。威加南海。名懾三越。宇內康寧。苛慝不作。是以殊俗。新作時畏威新作畏懷。東夷獻舞。故聖上覽乃昔以來。禮典舊章。開國光宅。顯茲太原。明公宜承奉。奉字依新晉書加。聖旨。受茲

介福。允當天人。元功盛勳。光光如彼。國土嘉祚。巍巍如此。內外協同。靡讐靡違。由斯征伐。則可朝服濟江。掃除吳會。西塞江源。望祀岷山。迴戈弭節。以麾天下。遠無不服。邇無不肅。令大魏之德。光于唐虞。明公盛

勳超于桓文。然後臨滄海而謝支。支或作交。伯登箕山而揖許由。豈不盛乎。至公至平。誰與為鄰。何必勤勤

小讓也哉。沖等不通大體。敢以陳聞。見文選并注卷四十。

武帝受禪。文帝號曰太祖。文選關中詩注。

世祖武帝

武帝諱炎。字安世。文選西征賦注。

武帝詔曰。劉毅博學多聞。其以毅為散騎常侍。國子祭酒。書鈔。

秦始四年正月丁亥。世祖初藉于千畝。司空掾潘岳作藉田頌也。文選藉田賦注。

秦始原作咸。熙誤。五年。詔曰。華表字偉容。清賢履道。內貞外順。歷位忠恪。言行不玷。其以表為太常卿。御覽二百二十八。

秦始七年。皇太子冠。世祖以皇太子富于春秋。初命講孝經于崇正殿。文選為賈謐作贈陸機注。

秦始十年。詔程咸歷職左右。劬勞內侍。乃心在公。夙夜不懈。以咸為散騎常侍左通直郎。書鈔。

咸寧二年。詔曰。議郎庾純。篤志好古。敦說詩書。儒行也。宜訓導國子。書鈔。

咸寧原作咸。亨。四年。詔曰。南陽王師劉智。學行優著。其以智為國子祭酒。書鈔。

太康元年。吳平。五月。引孫皓升殿。武帝問孫皓曰。聞南人好汝語。頗為不。皓因舉觴奉帝。而言曰。昔為汝

國隣。今爲汝國臣。勸汝一盃酒。願汝壽萬春。帝悔之。御覽三百九十引晉書。

太康八年。王濬園生嘉瓜。二莖一實。類聚引晉書。

太康八年。改營太廟。南致荆山之木。西採華山之石。書鈔石引。臧書。

帝崩。諡曰武。文選西征賦注。

武帝上號曰世祖。文選閑居賦注。又關中詩注。

### 孝惠帝

惠帝諱衷。字正度。武帝崩。太子卽皇帝位。文選潘岳西征賦注。

惠帝永康二年。禪位于趙王倫。倫以兵留守衛上。號曰太上皇。改金墉曰永安宮。中書令繆播云。太史按

星變事。當有免官天子。文選晉紀總論注。

光熙元年五月。惠帝自鄴還洛陽。中官屬備雲母輦及雲母車以奉迎。書鈔引晉書。

### 孝懷帝

永嘉三年三月。淮濮水竭。初學記六。按與新書紀志皆不同。

### 元帝

帝爲晉王。立宗廟社稷。元帝渡江。草創。欲立石闕于宮門。未定。王導隨駕出宣陽門。乃遙指牛頭山兩峯

爲天闕中宗從之。事類賦注山。

孫氏無闕大晉南都亦不暇立門闕遂廢矣。文選石闕銘注引臧書。

大興四年。

陳陟字國鎮。過江爲少府卿。時大旱經久。太興四年四月始雨。有司奏應報賽宗廟山川。中宗詔曰。祈廟云報賽。非奉尊上辭也。吾意有疑。眡以爲舊山川有祈。故報兩應賽。非大事不應告廟。子無要君親之道。讀祭稱賽。于義有違。從之。御覽二百三十六引臧書。

肅宗明帝

明帝諱紹。字道畿。元帝太子也。文選讓中書令表注。

太寧元當作二年。王敦謀逆。帝與王導。溫。嶠。等決計征之。敦屯兵于湖陰。帝欲察其營壘。乃乘駿馬。微行至

湖陰。旣而馳去。敦方晝寢。夢日環其營。驚起曰。必是鮮卑黃鬚奴來也。何以不縛之。使騎切遽而追之。帝之馳去。馬有遺糞。輒以冷水沃之。時逆旅有賣飯媪。帝以七寶鞭與之。俄而追者至。訊媪。媪云。去已遠矣。因以鞭示之。傳示遲留。又見馬糞冷。信已遠矣。而止。帝遂得免。御覽三百九十九。又四百四十九。雖未標名。而與新稍異。書鈔亦引此段。而與唐修者同。

恐爲陳氏所改。故定從御覽。

孝宗穆帝

永和元年。白鳶見。類聚引晉書。

### 廢帝海西公

太和四年

原引誤元。

年。桓溫表率方伯北伐。秋九月。溫以王師敗績于枋頭。

御覽九十九。

太和六年。溫自廣陵屯于白石。集百官于朝堂。稱崇德太后詔曰。王室艱難。穆、哀、短祚。國嗣不育。儲宮靡立。琅琊王奕。親則母弟。故以入纂大位。不圖德之。不建。乃至斯。昏濁潰亂。動違禮度。有此三孽。莫知誰子。人倫道喪。醜聲遐布。既不可以奉守社稷。敬承宗廟。且昏孽並大。便欲建樹儲藩。誣罔祖宗。傾移皇基。是而可忍。孰不可懷。今廢奕爲東海王。以王還第。供衛之儀。皆如漢朝昌邑故事。但未亡人。不幸罹此百憂。感念存沒。心焉如割。社稷大計。義不獲已。臨紙悲塞。如何可言。于是廢帝爲東海王。御覽九十九。

咸安二年。降爲海西公。徙居吳縣。十一月。妖賊盧悚遣弟子殿中監許龍晨到其門。詐稱太后密詔。奉迎興復。帝曰。我得罪到此。幸蒙寬宥。豈敢妄動。且太后有詔。便應官屬來迎。何得如此。汝必狂亂。因叱左右縛之。龍懼逸走。由是朝廷以帝安于屈辱。無僥倖之望。不復懷疑。帝知天命不可再。而深慮人禍。乃閉聽塞明。無思無慮。終日酣暢。耽于內寵。有子不養。度。新作庶。保天年。吳民憐之。爲作歌謠。太元十一年。帝崩于吳宮。年三。新作四。十五。因葬吳地。御覽九十九。

### 安帝



元興三年。宋武帝行鎮軍將軍。文選。始作鎮軍參軍。經曲阿。作注。

安帝復位。改元曰義熙。以琅琊王德爲大司馬。謝靈運初爲琅琊王大司馬。作軍參軍。文選初去郡注。引作安帝卽位改元曰

元興。按德文係義熙元年爲大司馬。故知其誤而改之。

義熙十二年。左衛兵陳湯于東府前淮水中得玉璽一枚。初學記六。

義熙十二年十月。洛陽平。劉裕命修晉五陵。置守備。文選謁五陵表注。

# 臧榮緒晉書卷二

天文志

天裂

惠帝元康中。天西北裂。時人主昏闇。賈后專政。御覽八百七十四。

大安。天裂爲二。聲如雷。是時長沙王奉帝出拒成都。王穎河間王顥迭威。專命僭亂之象。同上

成帝咸和四年冬。天裂四。此時蘇峻之子以萬人入吳興。天下有兵。關河轉亂。明年石勒僭位。同上

穆帝昇平五年。天裂廣數丈。聲如雷。同上

袁帝初卽位。天中裂。廣三四丈。聲如雷。野雉皆雊。時帝荒疾不識萬機。太后臨朝。桓溫專政。同上

天光

晉穆帝永和十年。前涼張祚之元年正月夜。天有光如車蓋。明年祚被殺。同上

天鳴

武帝末。天東有聲如雷。同上

元帝太興元年。天鳴。東西有聲。如風水相薄。三年。又鳴。其後王敦入石頭。王師敗績。元帝屈辱。制於強臣。

同上

虹

愍帝建興五年正月帝在平陽虹蜺彌天其年帝為劉聰所殺御覽八百七十八

彗星

彗星出西方長可二三丈名曰天槍受之者其國方有土功占經八十八

天狗

惠帝永興元年七月流星有聲二年又有星隕有聲後二年懷帝愍帝蒙塵劉元海石勒攻掠遂亡中夏御覽八百七十五

懷帝永嘉元年有大流星日月自南流于東北小者如斗相隨天盡赤有聲如雷是年汲桑殺東燕王騰明年劉元海僭號同上

穆帝永和十年流星大如斗色赤黃出織女沒造父有聲如雷其年慕容儁據臨漳諸將奔散同上

海西公太和四年十月有大流星西下有聲如雷明年廣漢妖賊李洪反自稱聖王又慕容暉剋鄴盡有其地明年桓溫廢帝同上

孝武太元十三年天狗東北下有聲占曰此交戰流血是後慕容垂翟遼姚萇符登慕容永並阻兵爭強

同上

### 枉矢

惠帝元康四年。枉矢北行竟天。次年夜。枉矢自北斗魁東南行。占曰。以亂伐亂。北斗主殺伐。是後趙王倫

殺司空張華。廢賈后。終自屠滅。

御覽八百七十五。

光熙元年。有枉矢西南流。懷帝永嘉四年。劉聰嘉平三年。星起牽牛。委曲蛇形入紫宮。其光照地。其年帝爲劉聰所害。後三年聰死國亡。

愍帝建興三年。枉矢自文昌北流至斗東。如一匹布。絳虵行有手足。因變爲雲氣。如人象二臂一足。至五

年。北平人吳祚聚千人立沙門爲天子。四年帝降劉曜。

御覽八百七十五。

穆帝昇平二年。枉矢自東南流于西北。其長半天。時所在擁兵。政非己出。

同上

### 白氣

懷帝永嘉三年十二月。有白氣如帶。自地昇天。南北各二。至五年。石勒、劉曜、王彌皆寇洛陽。帝蒙塵于平

陽。劉聰封帝爲會稽公。

御覽八百七十七。

成帝咸和元年。後蜀李雄玉衡二十四年。雄死。太子班立。有白氣如帶經天。太史占有陰謀。班不悟。爲李

奇所殺。

御覽八百七十七。

赤氣

惠帝大安二年。赤氣竟天。又永興二年十二月夜。有赤氣竟天。其年十二月。成都王穎攻洛陽。御覽八百七十七。

懷帝永嘉元年正月。天氣晝赤氣。有聲如雷。明年劉元海僭位。同上

桓元使陶謙屯覆舟山。劉毅至蔣山。裕羸弱登山。多張旗幟。元不之測。裕與毅分爲數隊。進突謙陣。皆殊

死戰。無不一當百。謙等諸軍一時奔散。御覽三百九十九。

又職官志曰。左衛將軍。領熊渠武賁。右衛將軍。領飲飛武賁。同上

又天文志。武賁一星。在太微西蕃北下台南靜室旄頭之騎官也。同上

地理志

司州。

晉仍魏都洛陽。初學記二十四引晉書。

豫州。

汝陰縣有陶邱鄉。初學記八。

譙國。魏明帝分置也。初學記八。

華陽。黑水惟梁州。部巴東郡。文選江賦注。



益州、梁州之南地。部蜀郡。文選江賦注。

海岱及淮惟徐州。部廣陵郡。文選江賦注。

荊州。

建平郡有信陵縣。文選江賦注。

揚州。

至永嘉南居建康。初學記二十四。

江州、本荊州之東界、揚州之南境也。文選江賦注。

禮志

太尉荀顛先受太祖敕述新禮。太康初，尚書僕射朱整奏，付尚書郎摯虞討論之。虞表所宜增損條目，改

正禮。新昔異狀，凡十五事。文選王文憲集序注。

元會設白獸樽于殿上。樽蓋上施白獸。若有能獻直言者，則發此樽飲酒。案禮，白獸樽乃杜舉之遺式也。

為獸監後代所為，示不忌憚也。御覽二十九類聚事類賦注四。

七祀曰：司命、中霤、國門、行、太厲、戶、竈。

行、舊說黃帝子爨祖，好遠遊，道死，故祭以為道神也。事類賦注十六引晉書。

樂志

子夜歌者。女子名子夜。造此聲。孝武太元中。琅琊王軻之家。有鬼歌子夜。殷允為章郡僑人。庾僧度家亦  
有鬼歌子夜。殷允為章郡。亦是太元年。則子夜是此時以前人也。御覽五百七十一引晉書。按新無殷允以下數句。

職官志御覽二百九十九。又二百三十四。二百四十四。

丞相秦官。趙高為丞相。指鹿為馬。持蒲作肉。初學記二十六。御覽八百六十三。

光祿大夫。騶六人。文選北山移文注。

大司農。哀帝興寧二年。省司農之職。至孝武寧康中復置。類聚

輿服志

張曜日之靈旄。書鈔旄。

中朝大駕鹵簿。下四字見選注。先象車鼓吹一部十三人。中道。次靜室令駕一。中道。式道候二人駕一分左右

也。次洛陽尉二人騎分左右。次洛陽亭長九人赤車駕一分三道。各吹正二人引。次洛陽令。阜車

駕一中道。次河南中部掾。中道。河橋掾在左。功曹吏在右。並駕一。次河南尹。駕四戟。吏六人。次河

南主簿。駕一中道。次河南主記。駕一中道。次司隸部。河南從事。中道。都部從事居左。別駕從事居右。

並駕一。次司隸校尉。駕三戟。吏八人。次司隸主簿。駕一中道。次司隸主記。駕一中道。次廷尉明

法掾中道。五官掾居左。功曹史居右。並駕一。次廷尉卿。駕駟。戟吏六人。次廷尉主簿。主記。並駕一。在左。太僕引從。如廷尉在中。宗正引從。如廷尉在右。次太常。駕駟中道。戟吏六人。太常外部掾居左。五官掾。功曹吏居右。並駕一。次光祿引從。中道。太常主簿。主記居左。衛尉引從。居右。並駕一。次太尉外督令使。駕一中道。次西東賊倉戶等曹屬。並駕一引從。次太尉駕駟中道。太尉主簿。舍人。各一人。祭酒二人。並駕一在左。次司徒引從。駕駟中道。次司空引從。駕駟中道。三公騎令史。戟各八人。鼓吹各一部七人。次中護軍中道。駕駟鹵簿。左右各二行。戟楯在外。弓矢在內。鼓吹一部七人。次步兵校尉在左。長水校尉在右。並駕一。各鹵簿左右二行。戟楯在外。刀楯在內。鼓吹各一部七人。次射聲校尉在左。翊軍校尉在右。並駕一。各鹵簿左右各二行。戟楯在外。刀楯在內。鼓吹各一部七人。次驍騎將軍在左。游擊將軍在右。並駕一。皆鹵簿在右。引各二行。戟楯在外。刀楯在內。鼓吹各一部七人。騎隊五在左。五在右。隊各五十四。命中督二人。分領左右。各有戟吏二人。麾幢。獨揭鼓在隊前。次左將軍在左。前將軍在右。並駕一。皆鹵簿左右各二行。戟楯在外。刀楯在內。鼓吹各一部七人。次黃門。前部鼓吹左右各一部十三人。駕駟八。校尉佐杖左右各四行。外大戟楯。次九尺楯。次弓矢。次弩。並熊渠。伏飛督領之。次司南車。駕駟中道。護駕御史騎夾左右。次謁者。僕射。駕駟中道。次御史中丞。駕一中道。次武賁中郎將。騎中道。次九游車中道。武剛車夾左右。並駕駟。次雲罕車。駕駟。

見五字選

·注中道。次戟車載闈。選注如此。唐修晉書作闈。戟車闈闈同。銳也。駕駟中道。長戟邪偃向後。次皮軒車。駕駟中道。次鸞旗。

車中道。建華車分左右並駕駟。次護駕尙書郎三人。都官郎中道。駕部在左。中兵在右。並騎。又有護駕

尙書一人。騎。督攝前後無常。次相風中道。次司馬督在前。中道左右各司馬史三人引仗。左右各六

行。外大戟楯二行。次九尺楯。次刀楯。次弓矢。次弩。次五時車。左右有遮列騎。次典兵中郎

中道。督攝前却無常。左殿中御史右殿中監並騎。次高蓋中道。左罽右罕。次御史中道。左右節郎

各四人。次華蓋中道。四字見選注。次殿中司馬中道。殿中都尉在左。殿中校尉在右。左右各四行。細楯

一行在弩內。又殿中司馬一行。殿中都尉一行。殿中校尉一行。次攄鼓中道。次金根車。駕六馬中道。

太僕卿大將軍參乘左右。又各增三行爲九行。司馬史九人。引大戟楯二行。九尺楯一行。刀楯一行。

由基一行。弩一行。跡禽一行。椎斧一行。力人刀楯一行。連細楯。殿中司馬。殿中都尉。殿中校尉。爲左右

各十二行。金根車。建青旂十二。左將軍騎在左。右將軍騎在右。殿中將軍持鑿臙斧夾車。車後衣書主

職步從。六行。合左右三十二行。次曲華蓋中道。侍中。散騎常侍。黃門侍郎。並騎分左右。次黃鉞車。駕

一在左。御廳騎在右。次相風中道。次中書監騎左。祕書監騎右。次殿中御史騎左。殿中監騎右。

次五牛旗。赤青在左。黃在中。白黑在右。次大輦中道。此亦見選注。太官令丞在左。太醫令丞在右。次金根

車。駕駟不建旗。次青立車。次青安車。次赤立車。次赤安車。次黃立車。次黃安車。次白立

車。次白安車。次黑立車。次黑安車。合十乘。並駕駟。建旗十二如車色。立安十乘。共十四。句同。見選注。立車正豎旗。安車邪拖之。次蹋猪車。駕駟中道無旗。次耕根車。駕駟中道赤旗十二。熊渠督左。飲飛督右。次御輅車。次御四望車。次御衣車。次御書車。次御藥車。並駕牛中道。次尙書令在左。尙書僕射在右。又尙書郎六人。分次左右並駕。又治書侍御史二人。分左右。又侍御史二人。分次左右。又蘭臺令史。分次左右並騎。次豹尾車。駕一。自豹尾車後而鹵簿盡矣。但以神弩二十張夾道。至後部鼓吹。其五張神弩。置一將。左右各二將。次輕車二十乘。左右分駕。次流蘇馬六十匹。次金鉞車。駕三。中道。左右護駕。尙書郎并令史並騎。各一人。次金鉞車。駕三。中道。左右護駕。侍御史并令史等並騎。各一人。次黃門後部鼓吹。左右各十三人。次戟鼓車。駕牛二乘。分左右。次左大鴻臚外部掾。右五官掾。功曹史。並駕。次大鴻臚。駕駟鉞吏六人。次大司農引從中道。左大鴻臚主簿。主記。右少府引從。次三卿並騎。吏四人。鈴下二人。執馬鞭。辟車六人。執方扇。羽林郎十人。朱衣。次領軍將軍。中道。鹵簿左右各二行。九尺楯在外。弓矢在內。鼓吹如護軍。次後軍將軍。在左右。將軍在右。各鹵簿。鼓吹如左軍前軍。次越騎校尉。在左。屯騎校尉。在右。各鹵簿。鼓吹如步兵射聲。次領護驍騎游軍校尉。皆騎。吏四人。乘馬來道。都督兵曹各一人。乘馬在中騎。將軍四人。騎校。鞞角。金鼓。鈴下。信幡。軍校並駕一。功曹吏主簿並騎從。轍扇。幢。麾。各一騎。鼓吹一部七騎。次領護軍。加大車斧。五官掾騎從。次騎十隊。隊各五十四。將一人。

持幢一人。鞞一人。並騎在前。督戰伯長各一人。並騎在後。羽林騎督、幽州突騎督、分領之。郎簿一隊。隊各五十人。絳袍將一人。騎鞞各一人。在前督戰。伯長各一人。步在後。騎皆持稍。次大戟一隊。九尺楯一隊。刀楯一隊。弓一隊。弩一隊。隊各五十人。黑袴褶將一人。騎校鞞角各一人。步在前。督戰伯長各一人。步在後。金顏督將并領之。此段因略見文選藉田賦。注引臧榮緒晉書。或稱大駕鹵簿。或稱鹵簿。曰知臧書有中朝大駕鹵簿之文。故依唐修晉書錄出。蓋唐時所修。原以臧書爲藍本也。

輅車者。古之將軍車也。一馬曰輅。二馬曰輅傅車。

書鈔輅車。

帝之姑姊妹皆爲長公主。加綠綬。

初學記十。御覽一百五十二。

晉令六品以下得服羅綃。

初學記三十七。

# 臧榮緒晉書卷三

五行志史通書志云·臧榮緒競志五行·大較多實·

童謠

羊祜以伐吳必藉上流之勢。又時吳有童謠曰：阿童復阿童，銜刀浮渡江，不畏岸上獸，但畏水中龍。祜聞之曰：此必水軍有功，但當思應其名者耳。御覽四百六十五·

杜預遣周旨、伍巢等伏兵樂鄉城外。孫歆遣軍出拒王濬，大敗而還。旨等發伏兵，隨歆軍而入，直至帳下。虜歆而還。故軍爲之謠曰：以計代戰，一當萬。於是進逼江陵。同上

太治中爲賈充等謠曰：賈裴王，亂紀綱。王裴賈，濟天下。言亡魏而成晉也。同上

雨毛

武帝時，蜀雨白毛。益州刺史皇甫晏爲牙門張宏謀害。御覽八百七十七·

文帝開皇六年，京師雨毛，如馬尾長者二尺，餘六七寸。其月梁士彥、宇文忻、劉昉以謀反誅。明年發十萬人築長城，又於揚州開山造瀆以通運，衆役繁興，雨毛之應。同上

地生毛

武帝太始中。皇甫晏爲益州刺史。西討屯兵人咸死之。地生白毛。俄被牙門將所殺之應。御覽八百八十。

成帝時。地生毛。時天下大兵。而中原擾亂。百姓疲怨。同上

孝武時。京都地生毛。而氐賊圍繞襄陽。彭城。征戍連年不解。又京都地生毛。苻堅滅後。人勞役後。又江陵交戰不解。同上

安帝義熙十年。地生白毛。連年征討勞擾之應。同上

羽蟲之孽

趙王倫篡時。有雉飛入殿中。自太極東堦上殿。驅之。更飛西鍾下。有頃飛去。又倫於殿上得異鳥。問皆不知名。異日向夕。宮西有素衣小兒。言其爲服劉鳥。倫使錄小兒并鳥。閉置空室。明旦開視。戶如故。並失人鳥所在。倫目上有瘤。時以爲妖焉。同上八百八十五。

溫嶠旋于武昌。至牛渚磯。水深不可測。世云其下多怪物。嶠遂燬犀角而照之。須臾見水族覆水。奇形異狀。或乘車馬。著赤衣者。嶠其夜夢人謂己曰。與君幽明道別。何意相照也。意甚惡之。至鎮未旬日。因齒疾而卒。同上

雨血

惠帝永康元年三月。尉氏雨血。明年正月。趙王倫篡位。遷帝於金墉城。其後天下大兵禍流王室。同上八百七十八。



雨肉

愍帝建興元年十二月。河東雨肉。劉石擁兵。帝竟沒遇害。同上八百七十七。

雪

吳孫權時。正月大雨雪。平地三尺。鳥獸死者大半。將軍全琮於淮南戰死者數十萬。同上八百七十八。

孫亮時。春大雨雪。震電。既雷則雪不當復降。而亮見廢。同上

武帝時。大雪。其年吳將步闡敗。死傷甚衆。後又八月大雪。折木。

穆帝時。八月大雪。人馬凍死。時政由臣下。同上

雹

武帝時。五月。雹傷禾麥。壞屋。時王濬有大功。被陷。帝不斷陰。憐陽之應。同上八百七十八。

惠帝時。六月。雨雹深三尺。時賈氏專政。遂廢愍懷太子。

元帝時。風雹殺人。時王敦擁兵不朝。內外戒嚴。同上

明帝時。京都大雨雹。鷲雀死。同上

四月大雨雹。是年蘇峻爲亂。同上

穆帝時六月雨雹大如升。後四年張祚在涼州爲宋混所滅。同上

冬雷

吳孫亮建興初十二月大風雷亮見廢。御覽八百七十六

愍帝建興初十一月大雨雷震。劉向以雷二月出八月入於此月雷電者陽不閉藏失節之異。是時九州幅裂。至四年帝降劉曜害之。同上

無雲而雷

惠帝大安二年四月諸將立李特子雄爲王。八月天中裂爲二。無雲而雷。成都王穎舉兵逼京師。同上  
大安二年無雲而雷。其年張方入京。燒服御。死者萬計。石超逼帝幸于緱氏。王師不利。大飢。人相食。同上

黑霧

愍帝建興二年春霧著人如墨。連夜五月時天下兵起。後二年帝降劉曜。御覽八百七十八  
元帝永昌元年十月京師大霧。黑氣蔽天。日月無光。十一月王敦舉兵。同上

風

吳孫權太元初大風。江海湧溢。平地水深八尺。拔高陵樹二千株。動吳城兩門瓦飛落。是時賦役繁重。明年權死。御覽八百七十六

孫休永安元年十二月孫綝出屯武昌衛士施朔告綝欲反綝聞之大懼是夜大風四轉五復發屋折木揚沙石綝益恐明日臘會稱疾休強起之不得已乃至會張布丁奉自左右縛之綝叩頭請爲奴不許乃斬之同上

孫皓末年狂暴丞相陸抗與大司馬丁奉謀欲廢皓大史令陳苗奏久陰不雨風起迴逆將有陰謀皓深驚懼抗遂寢其事同上

晉武帝咸寧三年八月大風拔木暴寒且冰其年吳將孫慎入江夏太康末京都風發屋拔木同上

惠帝永康中六月飄風吹賈謐朝衣飛數百丈明年謐誅其年十一月京都大風發屋折木十二月愍懷太子幽于金墉同上

永康元年四月張華舍颯颯風起折木飛繪軸六七枚是月華誅趙王倫篡位改元建始祀太廟風暴起黃塵四合其年倫誅同上

元帝永昌中大風拔木壞屋拔御道柳百餘株時王敦害尙書刁協僕射周顓等同上

成帝時劉允鎮尋陽有迴風從東來入允船中西出狀如匹練長五六丈術人戴洋曰有刀兵死喪之亂允頃爲郭默所害同上

### 暴風

孝武太元二年春暴風折木發屋夏又暴風揚沙石三年又暴風折木發屋時苻堅強盛同上  
安帝元興初夜大風雨大船門飛落明年桓玄篡位同上

黃霧

惠帝時冬黃霧四塞六日乃止明年趙王倫篡位時朝昏兵亂帝屢蒙塵御覽八百七十八

明帝時初頻有黃霧四塞時王敦害尚書刁協僕射周顛同上

穆帝時涼州黃霧下如塵時張重華納譖後年重華死嗣子見殺同上

孝武帝時黃霧四塞時會稽王道子專政親近佞人同上

地震

魏明帝時京都地震隱隱有聲搖動屋瓦明年公孫文懿叛自立魏高堂隆曰地震者臣下強盛地故震動冀所以警悟人主不可不深思是災及少帝繼廢竟禪晉御覽八百八十

齊王芳時頻年地震時曹爽專政遷太后於永壽宮太后與帝相泣而別故頻震同上

蜀劉禪時地震時黃皓專政闔官無陽施猶婦人也此皓見任之應是年終蜀亡同上

吳孫權時頻年地震時呂壹專政又權信讒廢太子和步騭上書曰伏見按事吹毛求瑕欲陷人成其威

福故地連震同上

晉武帝時。頻年地震。是時賈充、楊駿、遞弄朝權。同上

惠帝元康四年。郡國地震。淮南洪水出。或山崩。地陷。壞城府。殺百餘人。此賈后使楚王瑋殺汝南王亮。及

大僕衛瓘。陰道盛。陽道衰微之應。同上

愍懷帝時。頻年地震。時司馬越專政。石勒寇汲郡。同上

元帝大興元年。頻地震。或水湧。山崩。殺人。時江南淮北有大兵。劉曜、石勒、僭位。同上

成帝咸和四年。頻年地震。時蘇峻作亂。同上

穆帝永和九年、十年。頻地震。或有聲如雷。雞雉皆鳴。時帝幼。母后專政。石季龍僭號。王師頻敗。同上

十一年四月、五月。又頻地震。是時姚襄入許昌。百姓愁苦之應。及哀帝、海西公、簡文、孝武時。皆頻地震。是

時人主幼弱。羣小弄權。兵役連年。海西見廢。同上

孝武太元元年夏。震含章殿四柱。并侍者二人。後年苻堅略襄陽。同上

安帝義熙年。頻地震。或有聲如雷。時太尉劉裕謀逆。同上

### 地陷

武帝太康八年。宣帝廟陷。其年七月。殿前地陷方丈。深數丈。中有破船。是時帝不用和嶠之言。而信賈充之佞。至十一年。惠帝立。王室大亂。御覽八百八十。

惠帝時五月城中地陷方三十丈殺人六月又地坼家人陷死八月地裂廣三十六丈長八十四丈人大飢又上庸四處山崩地陷廣三十丈長百三十丈大水出殺人時賈后亂政又夜暴雨賈謐齋屋柱陷入地壓牀帳明年謐誅天下兵亂帝室從此微矣同上

懷帝時洛陽地步廣里地陷出鵝三又當陽地裂廣三丈長三百步時司馬越專政王室離散死者萬計同上

安帝時山陰地陷方四尺有聲如雷後二年西明寺門穿湧水毀門大尉劉裕矯詔殺害朝士俄而禪宋同上

地然

晉惠帝光熙元年五月范陽國北地然可爨至九月而驃騎范陽王司馬斌薨十一月惠帝因食而崩懷帝卽位太傅東海王司馬越殺太宰河間王司馬顥專柄朝政又尋死遂泊永嘉之亂東海淪殫越之嗣嗣亦皆殄滅石勒焚越之尸此其應也占經四

蛇孽

杜預先在荊州因宴集醉臥齋中外人聞嘔吐聲竊窺於戶而見一大蛇垂頭而吐聞者異之御覽九百三十三樂廣常有親客久闕不復來廣問其故答曰前在坐蒙賜酒方欲飲見盃中有蛇意甚惡之既飲而疾于

時河南廳事壁上角漆畫作蛇。廣意盃中蛇卽角影也。復置酒於其處。謂客曰。酒中復有所見不。答曰。所見如初。廣乃告其所以。客豁然而解。沉疴頓愈。同上

趙王倫篡位。殿上有大蟒及小蟒。耳間垂肉似重孝帳。小蟒亦然。同上

慕容熙遊于城南。止大柳樹下。若有人呼曰。大王且止。熙惡之。伐其樹。乃有蛇長丈餘。從樹中而出。同上  
沮渠蒙遜攻浩亶。而蛇盤於帳前。蒙遜笑曰。前爲一騰蛇。今盤在吾帳。天意欲吾迴師。先定酒泉。燒攻具而還。同上

### 大旱

永嘉三年大旱。淮濮水竭。初學記六

愍帝建興五年旱。建武元年又旱。太興元年又旱。督運令史淳于伯刑于建康市。百姓喧嘩。咸曰。伯冤事。在建興五年。于是大旱三年。御覽三十五引晉書

### 大疫

魏文帝黃初四年三月。宛許大疫。死者數萬。御覽八百七十九

明帝青龍二年四月。大疫。蜀相諸葛亮出斜谷。卒于渭南。又青龍三年正月。京師大疫。御覽八百七十九  
六韜曰。人主好聚斂。人則多疫死。御覽八百七十九

瑞志史通書志云。王隱後來加以瑞異。而諸書所引。則有稱石瑞記者。有稱名瑞記者。據此。則其時瑞異分記可知。臧書多本王隱。故因定為瑞志。及異志云。

懷帝之時。魏故豫州刺史賈逵墓。西石碑生黃金。採取即復生。白帖石引。臧書。

新蔡王騰發于并州。于常山之真定縣。遇天大雪。平地數尺。營前數丈。雪融不積。騰怪而使掘之。得玉馬

高尺許。上表獻之。初學記卷二。引臧書。

安帝義熙十二年。左衛兵陳湯于東府前淮水中。得玉璽一枚。初學記六。引臧書。

太康八年。王濬園生嘉瓜。二莖一實。類聚引。晉書。

王廙為鄱陽太守。有枯樟樹更生。王敦表勸進。中宗曰。皓獸應瑞而來。臻樟樹久枯而更榮。類聚十。引臧書。

晉中興孝宗永和元年。白鳶生。類聚引。晉書。

異志說見上。

王敬伯。會稽餘姚人。嘗泊洲渚中。昇亭而宿。是夜。月華露輕。敬伯泠然鼓琴。感劉惠明亡女妙容之靈。須

臾女至。告敬伯。就體如平生。從婢二人。敬伯撫琴而歌曰。低露下深幕。垂月照孤琴。空茲一作益宵淚。誰

憐此夜心。女乃和之曰。歌宛轉。情復哀。願為煙與霧。氤氳同共。二字一作懷。類聚琴。御覽五百七十二。均引。晉書。未標名。事類賦注十一引。

作世說。

蘇韶字孝先。安平人也。仕至中牟令。咸寧初亡。諸子迎喪到襄城。韶伯父第九子節。夢見鹵簿。行列甚肅。



見詔曰。卿犯鹵簿。應髡刑。節俛受剔。覺循見頭髮。視截如指大。後又夢見詔截之。節素美髮。五截而盡。此節依三百七十三引王隱書校補。後節在車上。晝日見詔自外入。乘馬目黑。又介幘黃疏。一作練。八百十單衣白襪。絲履。憑七引王書作絹。

節車轅。節謂兄弟曰。中牟在此。兄弟皆愕視。無所見。問詔。君何由來。詔曰。吾欲改葬。即求去。數日又來。兄

弟遂與詔坐。節曰。若不改葬。別自救兒。詔曰。吾將爲書。節授筆。詔不肯曰。死者書與生者異。爲節作。其字

像胡書也。乃笑喚節爲書曰。昔魏武侯浮于西河。而下中流。顧謂吳起曰。美哉。河山之固。此魏國之寶也。

吾性愛好京洛。每往來出入。瞻視邙一作芒。山上樂乎哉。此萬世之基也。北背孟津。洋洋之河。南望天邑。濟

之盛。此志雖未言語。銘之于心矣。不圖奄忽。所懷未果。前去一作至。十月。可一作便。速改葬。買數畝地。使自

足矣。此節五百五十四引王書略。節延詔入室。設坐祀之。不肯坐。又無所饗。謂詔曰。中牟平生好酒。可少飲。詔手執盃。飲

盡。曰。佳酒也。節視杯空。既去杯。酒乃如故。前後三十餘來。兄弟狎翫。節問所疑。詔言。天上及地上事。亦不

能悉知也。顏淵卜商。今見在爲修文郎。凡有八人。鬼之聖者。梁成。賢者。吳季子。節問死何如生。詔曰。無異

耳。死者虛。生者實。此其異也。節曰。死者何不歸屍。詔曰。譬如斷卿一臂。以投地。就剝削之。于卿有患乎。死

之去屍骸如此也。節曰。厚葬美墳。死者樂乎。詔曰。無在也。節曰。若無在。何改葬。詔曰。今我誠無所在。但欲

述生時意耳。詔欲去。節留之。閉門下鎖鑰。詔爲之少住。詔去。節見門故閉。詔已去矣。詔與節別。曰。吾今見

爲修文郎。守職不暇得來也。節執手乃別。自是遂絕。御覽八百八十三引晉書。按廣記三百十九亦引作王書。則此實爲王書。但臧多本王。則以爲臧書亦可。

夏侯愷亡後形見就家人求茶。御覽八百六十七·廣記三百十七·引作王書·言愷形見·而無上一節·

刑法志

晉書曰周處爲廣平太守有三十年滯獄一到悉總決遣之理無不當。御覽六百四十·

安帝義熙中劉毅鎮姑熟常出行南陵縣吏陳滿射鳥箭誤中直帥雖不傷人據法當弃市何承天議曰獄貴情斷疑則從輕昔有驚漢文帝乘輿馬者張釋之斷以犯蹕罪止罰金何者明其無心於驚馬也故不以乘輿之重而加異制今滿意在射鳥非有心於中人按律過誤傷人三歲刑況不傷乎。同上

# 臧榮緒晉書卷四

## 后妃

晉武採漢魏之號。以擬周之六宮。置貴妃、夫人、貴人。是爲三夫人。淑妃、淑媛、淑儀、修容、修華、修儀、婕妤、容華、充華。是爲九嬪。又置美人、才人、中才人。以爲散職。初學記十。

## 武元

武帝泰始中。大採擇公卿子女。以充六宮。使楊后簡選。后妬。不取端正妙好。唯取長白肥大。貌粗舉則取。初學記十。

## 武悼

武悼楊皇后。廢在金墉城。與母高都君龐氏共止。高都君臨刑。后抱持號叫。不食而崩。御覽二百二。

左貴嬪。左思妹。名芬。少好學。善綴文。名亞于思。武帝聞而納之。書鈔引晉書。

後爲貴嬪。姿陋無寵。以才德見禮。體羸多患。常居薄室。帝每遊華林。輒迴輦省過。之。言及文義。辭對清

華。左右侍聽。無不稱美。書鈔引晉書。

## 賈后

賈后二女。宣華女彥。封宣華宏農郡公主。女彥年八歲。聰明岐嶷。便能書。學諷誦詩論。病困。賈后欲議封。以長公主女彥語后曰。我尙小。未及成人。禮不用公主。及薨。謚哀獻皇女。以長公主禮送葬。類聚十六。御覽一百五十

二

惠羊后

惠羊皇后。諱獻容。太山南城人也。父玄之。字宏獻。永康元年。立爲皇后。將入宮。衣中有火。永興元年。河間王顥使將張方廢后于金墉城。七月。陳<sup>當作</sup>除<sup>當作</sup>等唱伐成都王。復后位。八月。張方又廢后。十一月。張方逼遷大駕幸長安。留臺復后位。永興二年。張方又廢后。河間王顥矯詔賜后死。劉暉等上表。后得免。帝還洛陽。迎復后位。後洛陽令何喬又廢后。懷帝卽位。尊后爲太皇后。居宏訓宮。洛陽敗。沒于劉曜。曜僭位。以爲皇后。因問曰。朕何如司馬家兒。后曰。胡可並焉。陛下開基之聖主。彼亡國之暗夫。有一婦。一子。及身三耳。不能庇之。貴爲帝王。而妻子辱于凡庶之手。妾爾時實不思生。何圖復有今日。妾生于高門。嘗謂世間男子皆然。自奉巾櫛已來。始知天下有丈夫耳。曜甚愛寵之。生二子而死。僞謚獻文皇后。御覽一百三十八。

懷王太后

懷王皇太后。諱媛姬。初入武帝宮。拜中才人。早崩。懷帝卽位。追尊曰皇太后。御覽一百三十八。

懷梁后

懷梁皇后。諱蘭璧。安定人也。祖桓鴻。季儀同三司。父芬。司徒。后初爲豫章王妃。懷帝卽位。爲皇后。永嘉中

沒胡賊。御覽一百三十八。按唐修晉書無此傳。

### 孝武李太后

簡文帝無子。令善相者遍相宮人。時李太后給役宮中。不預焉。相者見之。謂此當生貴子。而有虎厄。帝幸之。生孝武帝。及會稽王道子。帝旣登尊位。服相者之驗。而怪有虎厄之說。且生未見虎。乃令人圖畫虎形。戲擊之。患手腫而崩。事類賦注二十。



# 臧榮緒晉書卷五

王祥

王祥字休徵。後母朱氏思生魚。于時河水冰堅。祥朝朝冒厲風于河涯伺魚。一朝忽冰開小穴。有雙鯉跳  
出。初學記七。御覽六十八。

王祥拜太常。魏高貴鄉公之入學也。一作天子幸太學。將崇先典。乃命祥爲三老。侍中鄭小同爲五更。祥南面几杖。

以師道自居。帝一作天子北面乞言。以上依御覽四百四引晉書校補。祥乃仰陳明王聖帝之軌。君臣政化之要。仰以訓帝。

百辟聞之。莫不砥礪學也。書鈔引晉書。

武帝爲晉王。王祥與荀顛往謁。而祥獨長揖。帝曰。今日方知君見顧之重矣。書鈔引晉書。

鄭沖

鄭沖字文和。滎陽人也。位至太傅。文選爲鄭沖勸晉王晟注。

何曾

何曾字穎考。陳國人也。曾弱冠。累遷散騎侍郎。給事黃門郎。文選與侍郎曹長思書注。

何劭曾子

何劭字敬祖。陳國人也。姿望甚長。者博學多聞。善屬篇章。初為相掾。文選遊仙詩注。又贈張華注。

武帝即位。劭為散騎常侍。文選傅咸贈何劭王濟注。

咸寧初。遷侍中。同上

劭襲封朗陵郡公。同上

惠帝即位。劭為太子太師。文選張華答何劭注。

稍遷尚書左僕射。薨。文選遊仙詩注。

何劭亡。養子岐為嗣。袁粲弔岐。岐辭以疾。粲獨哭而出。曰。今年決下婢子品。王詮謂之曰。知死弔死。何必見生。岐前多罪。爾時不下。何公新亡。便下岐品。人謂中正畏強易弱。粲乃止。書鈔引。晉書。

石苞

石苞字仲容。文選為石仲容與孫皓書注。

太祖輔政。都督揚州諸軍事。進位征東大將軍。文選為石仲容與孫皓書注。

武帝踐阼。苞為大司馬。進封樂陵郡公。加侍中。羽葆鼓吹之樂。書鈔引。晉書。

苞為司徒。苞深陳農桑本務。明其考課。居位五年。天下稱之。書鈔引。晉書。

石浚苞第四子。字景倫。清儉鑒識。敬愛人物。為黃門郎。兩官。黃門郎上下。疑有脫文。為當時名士。書鈔黃門郎。



石崇卷第六字季倫。渤海南皮人。文選王明君辭注。

崇早有智慧。年二十餘。爲修武令。有能名。文選思歸引序注。

石崇爲南中郎將。荊州刺史。得鳩鳥雛。以與後軍將軍王愷。爲鳩害之事。時制。鳩不得過江。爲司隸校尉

傅祗所糾。詔原之。燒鳩于都街。書鈔引

崇穎悟有才氣。而任俠無行檢。在荊州。劫遠使商客。積財不貲。書鈔引

徽崇爲大司農。坐未被書擅去官。免。後爲太僕。文選思歸引序注。

稍遷至衛尉卿。文選王明君辭注。

崇與王愷豪華相尙。愷以紫絲步障四十里。崇以錦步障五十里。敵之。書鈔引

武帝嘗以珊瑚賜王愷。愷以示石崇。崇便以鐵如意擊碎。愷旣惋惜。又以爲嫉己之寶。聲色方厲。崇曰。不

足多恨。今還卿。乃命左右。悉取珊瑚樹。有高三四尺者。六七株。條幹絕俗。光彩曜日。如愷比者甚衆。愷悅

然自失。書鈔引

崇爲客作豆粥。咄嗟便辦。王愷不能及。每以爲恨。書鈔引

初崇與賈謐善。謐旣誅。趙王倫專任孫秀。崇有妓曰綠珠。秀使人求之。崇不許。于是秀乃勸倫殺崇。遂被

遇害。文選王明君辭注。

孫鑠字巨業

書鈔尙書  
令史

石苞辟鑠爲掾。將應命會臺。遣襲苞。鑠馳爲畫計。獲免。補吏部令史。歎曰。郡縣不爲鑠禮。而天臺乃以公府掾爲令史哉。若陳禽。諸人並清列。不陞卑雜。而我獨屯塞不通。如何就職。遷尙書郎。書鈔尙書  
令史

羊祜

羊祜字叔子太山

下一有平  
陽二字

人。能屬文。文帝辟未就。徵爲中書郎。陳留王立。封鉅平子。世祖受禪。加散騎

常侍

文選讓開  
府表注

武帝將滅吳。以祜都督荊州諸軍事。

文選讓開  
府表注

又以爲車騎將軍。開府。儀同三司。祜表讓曰。臣祜言。臣昨出。伏聞恩詔。拔臣使同台司。臣自出身以來。適十數年。受任外內。每極顯重之任。常以智力不可彊進。恩寵不可久謬。夙夜戰慄。以榮爲憂。臣聞古人之言。德未爲衆所服。而受高爵。則使才臣不進。功未爲衆所歸。而荷厚祿。則使勞臣不勸。今臣身託外戚。事遭運會。誠在寵過。今作過不患見遺。而猥超然降發中之詔。加非次之榮。臣有何功。可以堪之。何心可以安之。以身誤陛下。辱高位。傾覆亦尋而至。願守先人弊廬。豈可得哉。違命誠忤天威。曲從卽復若此。蓋聞古人申于見知。大臣之節。不可則止。臣雖小人。敢緣所蒙。念存斯義。今天下自服化以來。方漸八年。雖側席求賢。不遺幽賤。然臣等今無等不能推有德。進有功。使聖聽知勝臣者多。未達者不少。假令有遺德于

版築之下。有隱才于屠釣之間。而令朝議用臣。不以為非。臣處之不以為愧。所失豈不大哉。且臣忝竊雖久。未若今日。兼文武之極寵。等宰輔之高位也。且臣雖所見者狹。據今光祿大夫李喜。今作熹秉節高亮。正

身在朝。光祿大夫魯芝。絜身寡欲。和而不同。光祿大夫李胤。莅政弘簡。在公正色。皆服事華髮。以禮終始。

雖歷位外內之寵。不異寒賤之家。而猶未蒙此選。臣更越之。何以塞天下之望。少益日月。是以誓心守節。

無苟進之志。今道路未通。方隅多事。乞留前恩。使臣得速還屯。不爾留連。必于外虞有闕。臣不勝憂懼。謹

觸冒拜表。惟陛下察匹夫之志。有不可以奪。不聽。文選讓開府表并注。

吳陸抗與羊祜。推僑札之好。抗嘗遺祜酒。祜飲之不疑。抗有疾。祜遺之藥。抗亦推心服之。于時以為華元、

子反。復見于今。事類賦注酒引晉書。

咸寧初。以祜為征南大將軍。開府辟召。儀同三司。文選讓開府表注。

時吳有童謠。歌曰。阿童復阿童。銜刀浮渡江。不畏岸上虎。但畏水中龍。祜聞之曰。此必水軍有功。但當思

應其名者耳。會益州刺史王濬。徵為大司農。祜知其可任。濬又小字阿童。因表留濬監益州諸軍事。加龍

驤將軍。謀以伐吳也。書鈔引晉書。

羊祜薨。于是街衢塗巷。傳哭接音。邑里相達。文選齊故安陸昭王碑文注。

祜遺令。不得以南城侯入柩。祜喪既引。帝于大司馬門南臨送。祜甥齊王攸。表祜妻不以侯斂之意。帝乃

詔曰。祜固讓歷年志不可奪。身沒讓存。遺操益厲。此亦夷齊所稱賢也。今聽復本封。以彰厥美。書鈔引  
 襄陽百姓于峴山祜平生遊憩之所。建碑立廟。歲時饗祭。望其碑者。莫不悲感流涕。書鈔引  
 祜無子。帝初欲以祜兄發子暨。又欲令暨弟伊為祜後。未行。太康二年。以伊弟篤為鉅平侯。奉祜嗣。篤歷  
 官清慎。有私牛于官舍產犢。及遷而留之。書鈔引

杜預

杜預字元凱。京兆人也。文選春秋左氏傳序注。

起家拜尚書郎。

杜預為度支尚書。在內七年。損益萬事。一作機。酬酢諮諏。不可勝紀。以上亦見初學記十一。朝野稱美。號曰杜武庫。言其

無所不有也。書鈔引

稍遷至鎮南大將軍。都督荊州諸軍事。文選春秋左氏傳序注。

平吳。文選

預好為後世名。常言高岸為谷。深谷為陵。刻石為二碑。紀其勳績。一沈萬山之下。一立峴山之上。曰。焉知

此後不為陵谷乎。書鈔引

加位特進。薨。文選春秋左氏傳序注。

預遺令曰。古不合葬。明于終始之理。同于無有也。中古聖人。改而合之。蓋以別合無在。更緣生以示教也。自此以來。大人君子。或合或否。未能知生。安能知死。故各以己意所欲也。吾往爲臺郎。嘗以公事。使過密縣之邢山。山上有冢。問耕父。云是鄭大夫祭仲。或云子產之冢也。遂率從者祭而觀焉。其造冢居山之頂。四望周達。連山體南北之正。而邢東北。向新鄭城。意不忘本也。其隧道唯塞其後。而空其前。不填之。示藏無珍寶。不取于重深也。山多美石。不用。必集洧水自然之一作文石。以爲冢藏。貴不勞工巧。而此石不入世用也。君子尙其有情。小人無利可動。歷千載無毀儉之致也。吾去春入朝。因郭氏喪亡。緣陪陵舊義。自表營洛陽城東。首陽之南。爲將來兆域。而所得地中有小山。上無舊冢。其高顯雖未足比邢山。然東奉二陵。西瞻宮闕。南望伊洛。北望夷叔。曠然遠覽。情之所安也。故遂表樹開道。爲一定之制。至時當用洛水圓石也。開隧道南向。儀制取法于鄭大夫。欲以儉自完耳。棺器小斂之事。皆當稱此。書鈔石節引臧書。因以唐修晉書旁寫補足。

預子錫。爲愍懷太子舍人。屢直諫于太子。太子患之。置針著錫坐處氈內。錫坐。刺之血流。書鈔引晉書。

### 陳騫

咸寧初。騫爲太尉。加黃鉞。爲大司馬。位極人臣。書鈔引晉書。

咸寧三年。乞骸骨。騫爲大司馬。致仕。賜騫袞冕之服。書鈔引晉書。

### 裴秀

裴秀字季彥河東人也。文選褚淵碑文注。

裴秀之母婢秀年十八有令望而嫡母妬賓客滿座乃令秀母親下食與衆賓衆賓見並拜之。初學記十九引晉書與

唐修者異。

常道鄉公立與議定策遷尙書僕射。文選褚淵碑文注。

及世祖受禪進左光祿大夫。文選褚淵碑文注。

秀爲司空作禹貢九州。新無九州二字。地域圖論。新作序。曰圖書之設由來尙矣自古垂象立制。新作立象垂制。而賴其

用三代置其官國史掌其職暨漢祖。新無祖字。屠咸陽丞相蕭何盡收秦之圖籍今祕書既無古之地

圖又無蕭何所得秦之圖籍。新無上四字。唯有漢氏輿地及括地諸雜圖各不設分率又不考正準望亦不備

載名山大川其所載列。新無上四字。雖有麤形皆不精審不可依據或稱外荒。新作荒外又無稱字。迂誕之言不合事實

于義無取大晉龍興混一六合以清宇宙始于庸蜀采入其阻文皇帝乃命有司撰訪吳蜀地圖蜀土既

定六軍所經地域遠近山川險易征路迂直校驗圖記罔或有差今上考禹貢山海川流原隰陂澤古之

九州及今之十六州郡縣疆界鄉販及古國盟會舊名水陸徑路爲地圖十八篇制地。新無地字。圖之體有

六焉一曰分率所以辨廣輪之度也二曰準望所以正彼此之體也三曰道里所以定所由之數也四曰

高下五曰方邪六曰迂直此三者各因地而制宜所以校夷險之數。數新作異。也有圖象而無分率則無以

審遠近之差。有分率而無準望。雖得之于一隅。必失之于他方。有準望而無道里。則施于山海絕隔之地。不能以相通。有道里而無高下方邪迂直之校。則徑路之數。必與遠近之實相違。失準望之正矣。故以此六者參而考之。然後新無後字。遠近之實。定于分率。彼此之實。定于道里。度數之實。定于高下方邪迂直之算。故雖有峻山巨海之隔。絕域殊方之迴。登降詭曲之因。皆可得舉而定者。準望之法既正。則曲直遠近。無所隱其形也。御覽三十六。按雖引晉書。而與唐修晉書詳略不同。似係唐人以臧書而修改之。其略亦不盡爲引者所節也。故姑校錄。而旁補之。以俟攷。

裴楷秀從弟

裴楷字叔則。河東人也。交選褚淵碑文注。

辟相國掾。遷爲尙書郎。交選褚淵碑文注。

吏部郎缺。太祖問其人于鍾會。會曰。裴楷清通。王戎簡要。皆其選也。是以楷爲吏部郎。交選褚淵碑文注。按書鈔薦舉亦引此。

未標名。可知書鈔所引。多係臧書。

楷風神高邁。博涉羣書。特精理義。時人謂之玉人。又稱見裴叔則。如近玉山。照映人也。書鈔引。

衛瓘

衛瓘字伯玉。御覽四百五十三。

轉廷尉卿。鄧艾鍾會之伐蜀也。瓘以廷尉卿持節監艾會軍事。行鎮西軍司。給兵千人。蜀旣平。艾輒承制。

封拜會陰懷異志因艾專擅密與瓘俱奏其狀詔使檻車徵之會遣瓘先收艾乃夜至成都檄艾所統

一誤諸將稱詔收艾其餘一無所問時艾父子俱被執諸將圖欲劫艾整杖趨瓘營瓘輕衣新無衣出迎

之偽作表章將申明艾事諸將信之而止書鈔引

惠帝之爲太子也瓘每議及經國屢形于顏色晉祖恐大臣有諫瓘嘗因宴飲歡醉手撫御牀曰此坐可

惜御覽四百五十三

瓘與子恆嶽裔及孫等九人同被害初瓘家人炊飯墮地化螺瓘終見誅也書鈔引

衛玠瑯琊子字叔寶文選注見下

風神秀異

總角乘羊車入市見者皆以爲玉人觀之傾都驃騎將軍王濟玠之舅也雋爽有風姿每見玠輒嘆曰珠

玉在側覺我形穢又嘗語人曰與玠同遊炯若明珠之在側朗然照人以上俱見書鈔引晉書

好言玄理文選注見下

辟命屢至皆不就久之爲太傅西閣一作開祭酒以弱冠拜太子洗馬書鈔引

玠遷豫章是時大將軍王敦鎮豫章長史謝鯤先雅重玠相見欣然談論彌日書鈔引

玠嘗以人有不及可以情恕非意相干可以理遣故終身不見喜愠之容文選爲蕭揚州作薦士表注引臧書



張華字茂先。范陽人也。少好文義。博覽墳典。爲太常博士。轉兼中書郎。雖棲處雲閣。慨然有感。作鷦鷯賦。以自寄。其詞曰。鷦鷯小鳥也。生於蒿萊之間。長於藩籬之下。翔集尋常之內。而生生之理足矣。色淺體陋。不爲人用。形微處卑。物莫之害。繁滋族類。乘居匹游。翩翩然有以自樂也。彼鷲鷯鷓鴣。孔雀翡翠。或凌赤霄之際。或託絕垠之外。翰舉足以沖天。背距足以自衛。然皆負矰嬰繳。羽毛入貢。何者。有用於人也。夫言有淺而可以託深。類有微而可以喻大。故賦之云爾。何造化之多端兮。播羣形于萬類。惟鷦鷯之微禽兮。亦攝生而受氣。育翩翾之陋體。無玄黃以自貴。毛弗施於器用。肉弗登於俎味。鷹氈過猶俄翼。尙何懼于置罟。翳蒼蒙籠。是焉游集。飛不飄颻。翔不翕習。其居易容。其求易給。巢林不過一枝。每食不過數粒。棲無所滯。游無所盤。匪陋荆棘。匪榮茵蘭。動翼而逸。投足而安。委命順理。與物無患。伊茲禽之無知。何處身之似智。不懷寶以賈害。不飾表以招累。靜守約而不矜。動因循以簡易。任自然以爲資。無誘慕于世僞。鷓鴣介其背距。鷓鴣軼于雲際。鷓鴣竄於幽險。孔翠生乎遐裔。彼晨鳧與歸鴈。又矯翼而增逝。咸美羽而豐肌。故無罪而皆斃。彼銜蘆以避繳。終爲戮于此世。蒼鷹鷲而受縲。鸚鵡惠而入籠。屈猛志以服養。塊幽繫于九重。變音聲以順旨。思摧翮而爲庸。戀鍾岱之林野。慕隴坻之高松。雖蒙幸於今日。未若疇昔之從容。海鳥爰居。避風而至。條枝巨雀。踰嶺自致。提挈萬里。飄颻逼畏。夫唯體大妨物。而形瓌足瑋也。陰陽陶蒸。萬

品一區。巨細舛錯。種繁類殊。鶴螟巢於蚊睫。大鵬彌乎天隅。將以上方不足。而下比有餘。普天壤以遐觀。

吾又安知大小之所如。文選十三鶴  
鶴賦并注。

阮籍見華鶴賦。許以王佐之才。中書郎成公綏。亦推華文義勝已。御覽五百九十  
九引晉書。

晉受禪。拜黃門侍郎。華博覽圖籍。四海之內。若指諸掌。武帝嘗問漢宮室制度。及建章千門萬戶。華應對如流。聽者忘倦。畫地成圖。左右屬目。帝甚異之。時人比之子產。書鈔引  
晉書。

帝與羊祜謀伐吳。華贊成其計。及將大舉。以華爲度支尙書。決勝緣江地近萬里。始羊祜謂所親曰。終吾事者。唯張華耳。卒如祜言。初學記十一  
引晉書。

吳滅。封華廣武縣侯。文選何劭贈張華注  
初學記同上。

徵華爲太常。以太廟棟折免官。書鈔引  
晉書。

武帝崩。華爲太子少傅。文選答何  
劭注。

楚王瑋誅。詔加右光祿大夫。文選鶴鶴  
賦注。

論前後勳。進封壯武郡公。文選鶴鶴  
賦注。

數年遷司空。文選

爲趙王倫所害。文選

華博物洽聞。人有得烏毛長三丈。以示華。華見慘然曰。此謂海鳧毛也。出則天下亂矣。陸機餉華白鮓。於時賓客滿座。華發器。使曰。此龍肉也。衆未之信。華曰。試以苦酒濯之。必有異。既而五色光起。機問鮓主。果云園中茅積下。得一白魚。質狀殊常。以作鮓過美。故以相獻。武庫封閉甚密。其中忽有雉雥。華曰。此蛇化爲雉。開視。雉側果有蛇蛻焉。吳郡臨平岸崩。出一石鼓。槌之無聲。帝以問華。華曰。可取蜀中桐材。刻魚形扣之。則鳴矣。於是如其言。果聲聞數里。初吳之未滅也。斗牛之間。常有紫氣。道術者皆以吳方強盛。未可圖也。唯華以爲不然。及吳平之後。紫氣愈明。華聞豫章雷煥。妙達象緯。要之宿。因登樓仰觀。煥曰。寶劍之氣耳。在豫章豐城。因以煥爲豐城令。使求之。煥到縣。掘獄屋基。得雙劍。其夕斗牛間氣不復見焉。煥以南昌西北巖下土。以拭劍。光芒豔發。遣使送一劍并土與華。留一自佩。華以南昌土不如華陰赤土。因以華陰土一斤致煥。煥更以拭劍。倍益精明。又魏時。殿前鐘忽大鳴。震駭者。華云。此蜀山崩。故鐘鳴。尋蜀郡上其事也。

御覽六百十二。按引晉書。唐修晉書無末節。又敘劍氣亦稍不同。



# 臧榮緒晉書卷六

宗室

安平獻王孚

安平獻王孚。世祖受禪。爲太宰。其長子爲司徒。一門三世同時。十人封王。二人世子。父子居上公。位極人臣。子孫咸居大官。出則旌旗節鉞。入則貂蟬袞冕。自中代公族之寵。未始有也。享年九十。然而夙夜滋恭。恆有履冰之懼。御覽一百五十一依白帖校補引晉書。

東嬴王騰。發于并州。于常山之真定縣屯營。時遇天大積雪。平地數尺。常山營門前方數丈。雪融液不積。騰怪而使掘之。得玉馬高尺許。上表獻之。初學記二類聚。

南陽王保。字景度。太尉模世子。文選晉紀總論注。

休之。謙王尙之弟。

桓玄反。休之戰敗奔燕。義軍起。復還。武陵王令曰。前龍驤將軍休之才幹貞審。功業旣成。歷陽之戰。事在機捷。及至勢乖力屈。奉身出奔。猶鳩集義徒。崎嶇險阻。旣應親賢之舉。荊州勢據上流。將軍休之。宜委以分陝之重。可監荆、益、梁、寧、秦、雍六軍事。領護南蠻校尉、荊州刺史。假節。文選齊竟陵文宣王行狀注。

宣五王

平原王幹

平原王幹字子良宣帝子御覽

太始元年封平原王邑萬一千三百戶四年給鼓吹附馬二匹使服侍中之服同上御覽一百五十一引晉書

幹不治國事雖有爵祿若不在身所得俸秩皆露積腐爛同上

齊王問爲長沙王父所殺幹哭之謂左右曰宗室轉衰唯此兒最可而復害之從今殆矣御覽一百五十一引晉書

扶風武王駿

扶風王駿字子臧宣帝第七子也文選爲范始興作求立太宰碑表注

都督雍涼州諸軍事文選

後薨民吏樹碑讚述德範長老見碑者無不拜之言其遺愛如此文選爲范始興作求立太宰碑表注

梁孝王彤

梁孝王彤宣帝子御覽一百五十一

彤拜征西大將軍領西戎校尉因大會語參軍王銓曰我從兄爲尙書令不能啖大樹銓知彤求爲尙書令答曰下邳王爲令與天下共嚼啖上二十一字唐修書節去便不可讀大樹故難公在此獨嚼尙難矣彤曰長史大樹誰

邪。銓答盧播是。彤曰。是吾家吏。隱忍之耳。銓曰。天下皆王家吏。王法可不復行之邪。御覽一百五十引晉書。

### 文六王

#### 齊獻王攸

齊獻王攸。字文。當作大。猷。晉文少。當作次。子。御覽四百十二。

文帝崩。齊王攸率禮過哀。上以攸至孝。毀甚。二年五月。文明皇太后親臨省攸。攸毀瘠塵黑。貌不可識。太后留攸慰撫旬日。還中。詔勉攸曰。若萬一加以他疾。將復如何。宜遠慮深思。不可專守一意。以陷於不孝。若復不從。往言。當遣人監守飲食。御覽一百五十一。按雖引晉書。而與唐修書異。書鈔引此段與唐修同者。自係陳氏所易。故不從書鈔而從御覽。

太始四年。太后崩。攸執喪過哀。動必盡禮。左右或以稻米乾飯雜理中丸以進。王對之。涕泣不食。終三年。杖然後起。人有犯諱者。常悲不自勝。御覽四百十二引臧書。

齊王攸好學不倦。借人書皆爲治護。時迭有水旱。則出租秩。加賤以賑國人。須豐年乃收入本值。御覽一百五十一引

晉書  
攸在國。仁化洽於萬物。德意結於民心。書鈔引晉書。

攸表租秩。足以自供。求絕常賜。表前後十餘上。帝不許。書鈔引晉書。

攸爲太子太傅。獻箴與太子曰。伊昔上皇。建國立君。仰觀天文。俯察地理。創業恢道。以安人承祀。祚延統

重。故援立太子。尊以弘道。固以貳己。儲德既立。邦有所恃。夫親仁者功成。邇佞者國傾。故保相之材。必擇賢明。昔在周成。旦、奭作傅。外以明德自輔。內以親親立固。德則義濟。親則自然。嬴廢公族。其崩如山。劉建子弟。漢祚永傳。楚以無極作亂。宋以伊戾興難。張禹佞給。卒危強漢。輔弼不忠。禍及乃躬。匪徒乃躬。乃喪乃邦。無曰父子不間。昔有江充。無曰至親匪貳。或容潘崇。諛言亂真。譖潤離親。驪姬之讒。晉侯疑申。固親以道。勿固以恩。修身以敬。勿託以尊。自損者有餘。自益者彌昏。庶事不可以不恤。大本不可以不敦。見亡戒危。親安思存。冢子司義。敢告在闈。書鈔引  
晉書。

太康三年。詔齊王攸當出方嶽。以撫其國。加都督青州。增封濟南郡。備物典策。軒懸之樂。六佾之舞。賜黃鉞。朝車。乘輿之副。御覽一百五十  
一引晉書。



# 臧榮緒晉書卷七

王沉

王沉字處道。少孤。爲從叔司空昶所養。沉事昶如父。御覽百五十三。

王沉爲祕書監。正元中遷散騎常侍。侍中典著作。撰魏書。多爲時諱。未若陳壽之實錄也。書鈔引晉書。

王浚。沉子。字彭祖。書鈔。

惠帝旋洛陽。轉爲幽州刺史。書鈔。

謠曰。幽州城門似藏戶。中有伏尸王彭祖。書鈔引晉書。

荀顛

荀顛字景倩。潁陽人也。魏太尉彧之第六子。文選爲蕭揚州作薦士表。

黃初末。以父勳除中郎。高祖輔政。見顛異之。曰。顛。令君之子也。近見袁侃。亦曜卿之子也。皆有父風。擢拜

散騎侍郎。同上。又書鈔。按書鈔引晉書。

顛代陳泰爲僕射。領吏部。綜覈名實。風俗澄一。文選褚淵碑文注。

荀勗

荀勗為安陽令。有遺愛。生為立祠。書鈔引

勗參文帝大將軍軍事。同上

時官騎賂遺。求為刺客入蜀。勗言於帝曰。明公以至公宰天下。宜杖正義以伐違貳。而名以刺客除賊。非

所謂刑於四海。以德服遠也。書鈔引

勗與裴秀、羊祜共管機密。時將發使聘吳。並遣當時文士作書與孫皓。帝用勗所作。皓既報命和親。帝謂

勗曰。君前作書使吳思順。勝十萬之衆也。書鈔引

勗以中書監領著作。書鈔引

勗進位光祿大夫。命掌樂事。修律呂。

勗路逢賈人牛鐸。識其聲。及掌樂。音韻未調。乃曰。得趙

之牛鐸則諧矣。遂下郡國。悉送牛鐸。果得諧者。世服其明。書鈔引

潁川荀闔。勗孫字道明。有明稱。京師為之語曰。洛中英英。荀道明。大司馬齊王問辟為掾。問敗。暴尸已

三日。莫敢收葬。闔與問故吏李述、嵇含等露板請葬。朝議聽之。論者稱焉。書鈔引

荀組。勗子字大章。弱冠。太尉王衍見而稱之。曰。夷雅有才識。初為司徒左西屬。補太子舍人。司徒王渾

請為從事中郎。書鈔引

元帝欲以組為司徒。問太常賀循。循曰。組舊望清重。忠勤顯著。遷訓五品。以統人倫。實允衆望。書鈔引

賈充

賈充字公闓。文選河陽縣作注。

充拜尚書郎。典定法一作科。令兼度支考課。辯章節度。事皆施用。書鈔引晉書。

晉太祖為大將軍。以充為司馬右長史。文選答賈長淵注。

封臨穎侯。及世祖受禪。文選答賈長淵注。封魯郡公。為司空。轉太尉。文選河陽縣作注。

太康三年。薨。贈太宰。諡武公。文選閑居賦注。

潘岳賈充誄云。年踰知命。位極人臣。家無餘祿。貴而食貧。書鈔引晉書。

昂昂公侯。實天誕育。八元斯九。五臣茲六。揜討逆節。折衝江湖。走欽擒儉。梟誕擊吳。公於出征。爰整其旅。

壘未越郊。靡不及舉。秦涼獲父。西戎即叙。他人之賢。譬彼邱陵。邈矣公侯。如日之升。泰山其頽。寢疾不興。

遐邇曷仰。社稷焉憑。生榮則易。終哀實難。靡不春華。鮮克歲寒。於呼公隕。率士含酸。趙喪望諸。列國同傷。

秦亡蹇叔。春者不相。桃李不言。下自成行。德之休明。沒能彌彰。按此誄自必全載。故姑依見於類聚者。錄附以俟攷。

使大疑廟定於神算。文選五十九。

充無嗣。以外孫韓謐為後。謐父韓壽。河南尹。母賈充少女也。充平生不議立後。充後妻郭槐。輒以外孫諱

謐為黎民子。襲封槐。自表陳。是充遺意也。帝許之。以謐為魯公。文選答賈長淵注。

賈充前妻李氏生二女。荃、濬。以父豐坐流徙。禁錮解。荃等屢請充迎其母。而父不判。充當鎮關中。屯軍城西。爲供帳。受百官餞。荃、濬遂突出於坐中。叩頭流血。訴充。并陳說羣客。以母應還之意。荃是齊獻王之妃。衆賓皆驚起散出。充甚愧愕。御覽一百五十一

充後妻郭氏。又生二女。少有淫行。年十四五。通於韓壽。充未覺。時外國獻奇香。世祖分與充。充以賜女。充與壽坐。聞其衣香。心疑之。充家嚴峻。墻高丈五。薦以枳棘。周行東北角。有狸鼠行迹。充潛殺知婢。遂以女妻之。類聚三十五

魏舒

魏舒字陽元。書鈔

舒年四十餘。郡上計掾。察孝廉。宗黨以舒無學業。勸令不就。可以爲高耳。舒曰。若試而不中。其負在我。安可虛竊不就之高。以爲己榮乎。於是自課百日。習一經。因而對策升第。書鈔引晉書

轉相國參軍。封劇陽子。朝府碎務。未嘗見是非。至於廢興大事。衆人莫能斷者。舒徐爲籌之。多出衆議之表。文帝深器重之。每朝會坐罷。目送之曰。魏舒堂堂人之領袖也。書鈔引晉書

舒爲司徒。所得俸散之九族。家無餘財。書鈔引晉書

舒徙司徒。年過致仕。有遜讓意。而無居宅。乃僅以俸秩散餘。爲第一所。同上

舒爲司徒。年老。每稱疾遜位。同上

後因正旦朝罷還第。表送章綬。帝手詔敦勉。而舒執意彌固。乃下詔曰。□□□□□□□□□□□□□□□□

知者。時論以爲晉興以來。三公能辭榮祿終者。未之有也。書鈔引

### 李熹

李熹字季和。書鈔

遷御史中丞。當官秉直。二字新作正色。不憚強禦。書鈔引

熹爲太子太傅。在位累年。訓導盡規。書鈔引

### 劉寔

劉寔字子真。書鈔

少貧苦。賣牛衣以自給。然好學。手約繩。口誦書。博通古今。清身潔己。行無瑕玷。書鈔引

寔爲吏部郎。坐選稽遲。免官。書鈔引

寔以祭酒遷廣陵王師。書鈔引

懷帝卽位。寔拜太尉。自陳年老。固辭。上不許。書鈔引

懷帝三年詔聽以侯就第賜几杖宅一區不朝。書鈔引晉書。

王渾

渾為安東將軍鎮壽陽時吳人新附頗懷畏懼渾撫循羈旅勞謙接納。一作虛懷綏納。坐無空席門不停賓於

是江東之士莫不悅附。

王濟渾子

和嶠性儉家有好李帝求之不過數十王武子因其出率少年將斧詣園飽啖畢伐樹而去。事類賦注李引晉書。

濟善解馬性嘗乘一馬著連乾障泥前有水終不肯渡濟云此必是惜障泥使人解去便渡故杜預謂濟

有馬癖。書鈔引晉書。

王濬

武帝謀伐吳詔濬修舟艦濬乃作大船連舫方百二十步受二千餘人以木為城起樓櫓開四出門其上皆得馳馬往來又畫鷁首怪獸於船首以懼江神舟棹之盛自古未有。書鈔引晉書。

唐彬

彬持節監幽州諸軍事領護烏丸校尉右將軍彬既至鎮訓卒利兵廣農重稼震威耀武宣喻國命示以

恩信。書鈔引晉書。

山濤

濤為尚書吏部郎。文帝與濤書曰：足下在事清明，雅操邁時，念多所乏，令致錢二十萬，穀二百斛。魏帝嘗賜景帝春服，帝以賜濤，又以母老，并賜藜杖一枚。書鈔引

轉北中郎將，督鄴城守事。書鈔引

濤轉尚書，表辭才下年老，詔曰：方今多事，嘉謀良圖，委以老成也。初學記十一引

咸寧初，濤為太子少傅。書鈔引

帝嘗講武于宣武場，濤時有疾，詔乘步輦。書鈔引

袁毅為鬲令，賂遺朝廷，以營虛譽，遣山濤絲百斤，濤不欲為異，乃受之。命內之閣上，後毅事露，吏驗至濤

所，濤於梁上取絲，塵埃黃黑，封印如初，以付吏。事類賦注：絲

山濤子淳元，一作允，疴疾不仕，世祖聞其短小而聰敏，欲見之，濤面答，淳元自謂形容宜絕人事，不肯受詔。

論者奇之。御覽三百七十八引

簡子。濤五子，字季倫。書鈔

與譙國嵇紹、沛郡劉謨、宏農楊淮，齊名。初為太子舍人，累遷太子庶子。書鈔引

王戎

戎少阮籍二十餘年。相得如時輩。遂爲竹林之遊。御覽五十七引臧書。

戎爲荊州刺史。有司奏戎。上四字新作坐字。遣吏修園宅。免官。詔以贖論。遷豫州刺史。書鈔引晉書。

戎子萬。有美名而大肥。戎令食糠。而肥愈甚。書鈔

郭舒

郭舒始爲領軍校尉。坐擅放司馬彪。繫廷尉。世多義之。刺史夏侯含辟爲西曹。轉主簿。含坐事。舒自繫理。含事得釋。刺史宗岱卽命爲治中。書鈔引晉書。

樂廣

樂廣字彥輔。書鈔

性冲約有遠識。寡嗜欲。與物無競。尤善談論。每以約言析理。以厭人心。裴楷嘗引廣共談。自夕申旦。雅相欽挹。王戎爲荊州刺史。聞廣爲夏侯玄所賞。乃舉爲秀才。辟太尉掾。轉太子舍人。書鈔引晉書。

鄭袤

魏武帝初封諸子爲侯。精選賓友。袤與徐幹俱爲臨淄文學。書鈔引晉書。

時廣平太守缺。宣帝謂袤曰。賢叔大匠。垂稱於陽平。魏郡百姓蒙惠化。且盧子家。王子雍。繼踵此郡。使世不乏賢。故復相屈。袤在廣平。以德化爲先。善作條教。郡中愛之。書鈔引晉書。



默·婁子字思元·書鈔

默為東郡太守。值歲荒人饑。默輒開倉賑給。乃舍都亭。自表待罪。朝廷嘉默憂國。詔書褒歎。比之汲黯。頌

告天下。若郡縣有此比者。皆聽出給。書鈔引晉書。

遷太常。山濤欲舉一親為博士。謂默曰。卿似尹翁歸。令吾不敢復言。默為人敦重。柔而能整。皆此類也。書鈔

引晉書。

### 李胤

李胤字宣仲。當作伯書鈔。

容貌質素。頹然若不足者。而知度沈邃。言必有中。初仕郡。上計掾。州辟部從事。治中。舉孝廉。參鎮北軍事。

書鈔引晉書。

胤遷御史中丞。恭恪直繩。百官憚之。書鈔引晉書。

胤為吏部尚書。清慎選舉。號為廉平。書鈔引晉書。新無。

### 華表

華表字偉容。御覽二百二十八。

泰始原作咸五年。詔曰。華表清賢履道。內貞外順。歷位忠恪。言行不玷。其以表為太常卿。御覽二百二十八引臧書。

石鑒

石鑒以才幹習於從政，敢斷無疑，再爲司隸校尉。

書鈔·引

# 臧榮緒晉書卷八

## 劉毅

毅幼有孝行。少厲清節。然好臧否人物。王公貴人。望風憚之。僑居平陽。太守杜恕。請爲功曹。沙汰郡吏百餘人。三魏稱焉。爲之語曰。但聞劉功曹。不聞杜府君。晉書書鈔引

武帝問劉毅曰。卿以吾可方漢何帝也。對曰。可方桓靈。帝曰。吾德雖不及古人。猶克己爲政。又平吳會。一

同天下。方之桓靈。不亦甚乎。初學記九引臧書。

毅爲尙書左僕射。文選恩倖傳論注。

上疏陳九品之弊曰。句見選注。臣聞立政者以官才爲本。官才有三難。而興替二字書鈔作治亂。之所由也。人物難

知。一也。愛憎難防。二也。情僞難明。三也。今立中正。定九品。上七句亦見書鈔引。高下任意。榮辱在手。操人主之威福。

奪天朝之權勢。愛憎決於心。情僞由於己。公無考校之負。私無告訐之忌。用心百態。求者萬端。廉讓之風。

滅。苟且之俗成。天下訥訥。但爭品位。不聞推讓。竊爲聖朝恥之。夫名狀以當才。爲清品輩。以得實爲平安。

危之要。不可不明。清平者。政化之美也。枉濫者。亂敗之惡也。不可不察。然人才異能。備體者寡。器有大小。

違有早晚。前鄙後修。宜受日新之報。抱正違時。宜有質直之稱。度遠闕小。宜得殊俗之狀。任直不飾。宜得

清實之譽。行寡才優。宜獲器任之用。是以三仁殊塗而同歸。四子異行而均義。陳平、韓信笑侮於邑里。而收功於帝王。屈原、伍胥不容於人主。而顯名於竹帛。是篤論之所明也。今之中正。不精才實。務依黨利。不均稱尺。務隨愛憎。所欲與者。獲虛以成與。所欲下者。吹毛以求疵。高下逐強弱。是非由愛憎。隨世興衰。不顧才實。衰則削下。興則扶上。一人之身。旬日異狀。或以貨賂自通。或以計協登進。附託者必達。守道者困悴。無報於身。必見割奪。有私於己。必得其欲。是以上品無寒門。下品無勢族。上二句引見選注。暨時有之。皆曲有。故慢主罔時。實爲亂源。損政之道一也。置州都者。取州里清議。咸所歸服。將以鎮異同。一言議。不謂一人之身。了一州之才。一人不審。便坐之。若然。自仲尼以上。至於庖犧。莫不有失。則皆不堪。何獨責於中人者哉。若殊不修。自可更選。今重其任。而輕其人。所立品格。還訪刁攸。攸非州里之所歸。非職分之所置。今訪之歸。正於所不服。決事於所不職。以長讒構之源。以生乖爭之兆。似非立都之本旨。理俗之深防也。主者旣善刁攸。攸之所下。而復選以二千石。已有數人。劉良上攸之所下。石公罪攸之所行。駁違之論。橫於州里。嫌讎之隙。結於大臣。夫桑妾之訟。禍及吳楚。鬪雞之變。難興魯邦。況乃人倫交爭。而部黨興。刑獄滋生。而禍根結。損政之道二也。本立格之體。將謂人倫有序。若貫魚成次也。爲九品者。取下者爲格。謂才德有優劣。倫輩有首尾。今之中正。務自遠者。則抑割一國。使無上人。穢劣下比。則拔舉非次。并容其黨。公以爲格。坐成其私。君子無小人之怨。官政無繩姦之防。使得上欺明主。下亂人倫。乃使優劣易一作異。地首尾倒錯。

措一作推。貴異之器。使在凡品之下。負戴不肖。越在成人之首。損政之道三也。陛下踐阼。開天地之德。弘不諱之詔。納忠直之言。以覽天下之情。太平之基。不世之法也。然賞罰。自王公以至於庶人。無不加。法置中正。委以一國之重。無賞罰之防。人心多故。清平者寡。故怨訟者衆。聽之則告。許無已。禁絕則侵枉無極。與其理訟之煩。猶愈侵枉之害。今禁訟訴。則杜一國之口。培一人之勢。使得縱橫無所顧憚。諸受枉者。抱怨積直。獨不蒙天地無私之德。而長壅蔽於邪人之銓。使上明不下照。下情不上聞。損政之道四也。昔在前聖之世。欲敦風俗。鎮靜百姓。隆鄉黨之義。崇六親之行。禮教庠序。以相率。賢不肖於是見矣。然鄉老書其善。以獻天子。司馬論其能以官於職。有司考績。以明黜陟。故天下之人。退而修本。州黨有德義。朝廷有公正。浮華邪佞。無所容厝。今一國之士。多者千數。或流徙異邦。或取給殊方。面猶不識。況盡其才力。而中正知與不知。其當品狀。采譽與臺府。納毀於流言。任己則有不識之蔽。聽受則有彼此之偏。所知者以愛憎奪其平。所不知者以人事亂其度。既無鄉老紀行之譽。又非朝廷考績之課。遂使進官之人。棄近求遠。背本逐末。位以求成。不由行立。品不校功。黨譽虛妄。損政五也。凡所以立品設狀者。求人才以理物也。非虛飾名譽。相爲好醜。雖孝悌之行。不施朝廷。故門外之事。以義斷恩。既以在官。職有大小。事有劇易。各有功報。此人才之實效。功分之所得也。今則反之。於限當報。雖職之高。還附卑品。無績於官。而獲高敘。是爲抑功實而隆虛名也。上奪天朝考績之分。下長浮華朋黨之士。損政六也。凡官不同事。人不同能。得其能則

成。失其能則敗。今品不狀才能之所宜。而以九等爲例。以品取人。或非才能之所長。以狀取人。則爲本品之所限。若狀得其實。猶品狀相妨。繁繁選舉。使不得精於才宜。況今九品所疏。則削其長。所親。則飾其短。徒結白論。以爲虛譽。則品不料能。百揆何以得理。萬機何以得修。損政七也。前九品詔書。善惡必書。以爲褒貶。當時天下少有忌。今之九品所下。不彰其罪。所上不列其善。廢褒貶之義。任愛憎之斷。清濁同流。以植其私。故反違前品。大其形勢。以驅動衆人。使必歸己。進者無功。以表勸。退者無惡。以成懲。懲勸不明。則風俗汙濁。天下人焉得不解德行。而銳人事。損政八也。由此論之。選中正而非其人。授權勢而無賞罰。或缺中正而無禁檢。故邪黨得肆。枉濫縱橫。雖職名中正。實爲姦府。事名九品。而有八損。上四句。亦見書鈔引。或恨結於親親。猜生於骨肉。當身困於敵讎。子孫離其殃咎。斯乃歷世之患。非徒當今之害也。是以時主觀時。歷法防姦。消亂靡有常則。故周因於殷。有所損益。至於中正九月。上聖古賢。皆所不爲。豈蔽於此事。而有不周哉。將以政化之道。無取於此也。自魏立以來。未見其得人之功。而生讎薄之累。毀風貶俗。無益於化。古今之失。莫大於此。愚臣以爲宜罷中正。除九品。上二句。亦見書鈔引。棄魏氏之弊法。立一代之美制。文選恩倖傳論注。引臧書。雖僅

節數句。而臧書有此疏。自可知。故因從唐修書錄出。

毅爲司隸校尉。會齋而疾。其妻出省。毅自表戒。

當作解。

齋。

書鈔引晉書。

劉暉。

毅子。

字長叔。

當作升。蓋升叔二字古常誤。

暉五爲司隸。允協物情。故也。

書鈔引臧書。

和嶠

和嶠字長輿。文選開居賦注。

嶠爲黃門侍郎。遷中書令。舊監令共車入朝。及嶠爲令。苟勛爲監。嶠不禮勛。常以意氣加之。每同乘。高抗專車而坐。乃使監令異車。自嶠始也。文選王文憲集序注。

崔洪

洪薦雍州刺史郤詵代己爲左丞。詵後糾洪。洪謂人曰。我舉郤丞而還奏我。是挽弩自射也。詵聞曰。崔侯爲國舉才。我我才見用。唯官是視。各明至公。何故私言。乃至此。洪聞其言而重之。書鈔引晉書。

侯史光

侯史光字孝明。書鈔

泰始初。

詔曰。光忠篤素。有居正執義之心。歷職內外。恪勤在公。其以光爲御史中丞。雖屈其列校之位。亦所以伸其司直之才。光在職。寬而不縱。太保王祥久疾廢朝。光奏請免之。詔優祥而寢。光奏。後遷少府。書鈔引晉書。

何攀

王濬爲益州。辟攀爲別駕。濬謀伐吳。遣攀奉表詣臺。口陳事機。詔再引見。乃令張華與攀籌量進討之宜。

濬兼遣攀過羊祜。面陳伐吳之策。攀善於將命。帝嘉之。詔攀參濬軍事。書鈔引

劉頌

劉頌字子雅。書鈔

辟相府掾。奉使於蜀。時蜀新平。人饑土荒。頌表求賑貸。未報。乃開倉出穀。蜀民賴之。太祖以頌專。輒除名。

書鈔引

武帝踐阼。頌拜尚書三公郎。典科律。申冤訟。累遷中書侍郎。書鈔引

李重

李重為平陽太守。崇德化。修學校。表篤行。拔賢能。清簡無欲。正身率下。在職三年。彈黜四縣。書鈔引

傅玄

傅玄字休奕。北地人。文選傅玄雜詩注。

勤學善屬文。同上

州舉秀才。文選雜詩注。

稍遷至司隸校尉。文選雜詩注。

咸。玄子



咸以議郎兼司隸校尉。咸前後固辭。辭旨懇切。上不聽。敕使者逼就拜授。咸悲鯁傷咽。以身無兄弟。職無假。到官之日。喪祭無主。重自陳乞。遂不見聽。聽於官舍設靈坐。朔望奉祭。咸臥病治職。

時朝廷寬弛。豪右放恣。郡縣容縱。寇盜充牣。攻篡囚徒。掠奪市道。交私請託。朝野溷淆。咸於是奏免河南尹。京都肅然。貴戚憚之。數月之間。三奏免選官。奏案審謬。終無曲撓。雖不見從。有司肅然。均見御覽二百五十引臧書。

咸奏免王戎。解結劾之。不允。咸奏云。新作上事。以爲按令。御史中丞督司百僚。皇太子以下。其在行馬內。有違法憲者。皆憚糾之。雖在行馬外。而監司不糾。亦得奏之。如令之文。行馬之內。有違法憲。謂禁防之事耳。宮內禁防。外司不得而行。故專施中丞。今道路橋梁不修。鬪訟屠沽不絕。如此之比。中丞推責州坐。卽今所謂行馬內語。施於禁防。旣云中丞督司百僚矣。何復說行馬之內乎。旣云百僚。而不得復說行馬之內者。內外衆官。謂之百僚。則通內外矣。司隸所以不復說行馬內外者。禁防之事。已於中丞說之故也。中丞司隸。俱糾皇太子以下。則共對司內外矣。不爲中丞專司內百僚。司隸專司外百僚。自有中丞。司隸以來。更互奏。內外衆官。惟所糾得。無內外之限也。而結一旦橫挫臣。臣前所以不羅縷者。冀因結奏。得從私願也。今旣所願不從。而敕云。但爲過耳。非所不及也。以此見原。臣忝司直之任。宜當正己率人。若其有過。不敢受原。是以申陳其愚。司隸與中丞俱共糾皇太子已下。則從皇太子以下。無所不糾也。得糾皇太子。而不得糾尙書。臣之闕塞。旣所未譬。皇太子爲在行馬之內。邪。皇太子在行馬之內。而得糾之。尙書在行

馬之內而不得糾。無有此理。此理灼然而結。以此挫臣。臣可無恨耳。其於觀聽。無乃有怪邪。臣識石公前在殿上脫衣。爲司隸荀愷所奏。先帝不以爲非。於時莫謂侵官。今臣裁糾尙書。而常有罪乎。咸累自上。稱引故事。條理灼然。朝廷無以易之。

因書鈔□□節引此奏數句。知舊晉書有此段。故依唐修書錄出。

傅宣

祇子

宣爲御史中丞。孝懷詹事。裴紹息猷尙榮陽長公主。紹字承伯。秀從兄子。猷不願婚。聞紹在中書。卽娉溫嶠妹。傅宣奏猷大不敬。御覽一百五十二引臧書。

# 臧榮緒晉書卷九

阮籍

阮籍字嗣宗。陳留尉氏人。文選詠懷詩注。

容貌瑰傑。志氣宏放。同上

籍隨叔父至東莞。刺史王昶聞籍奇偉。請與相見。乃歎息以不能測。御覽五百十二。

太尉蔣濟聞籍有才雋。而倨儻爲志高。問掾王默。然後上十一字依茶陵本加。辟之。籍詣都亭奏記曰。籍死罪死罪。伏

惟明公以含一之德。據上台之位。羣英翹首。俊賢抗足。開府之日。人人自以爲掾屬。辟書始下。而下走爲

首。昔子夏處新作在子。西河之上。而文侯擁篲。鄒子居新作處子。黍谷之陰。而昭王陪乘。夫布衣窮居新無上二字。

而之士下有孤居特立四字。韋帶之士。孤居特立。王公大人所以屈體而上三字新作禮字。下之者。爲道存也。今籍無鄒卜之德。

新作道。而有其陋。猥見採擇。無以稱當。方將耕於東臯之陽。輸黍稷之餘稅。以避當塗者之路。新無上句。負薪

疲病。足力不強。補吏之召。非所克堪。乞迴謬恩。以光清舉。初濟恐籍不至。得記欣然。遣吏卒迎之。而籍已

去。濟大怒。王默。默懼。與籍書勸說之。上十字依茶陵本加。於是鄉親共喻之。籍乃就吏。後謝病歸。復爲尙書郎。見文選詣

蔣公奏記并注。

籍本有濟世志。屬魏晉之際。天下多故。遂酣飲為常。文帝初欲為武帝求婚於籍。籍醉六十日。不得言而

已。文選諸蔣公奏記注。

初文帝輔政。籍嘗言於帝曰。平生曾遊東平。樂其風土。帝大悅。即拜東平相。籍乘驢到郡。壞府舍屏障。使

內外相望。法令清簡。旬日而還。書鈔引晉書。

籍拜東平相。不以政事為務。沈醉日多。文選五君咏注。

遷步兵校尉。文選咏懷詠注。

籍雖放誕。不拘禮教。然發言玄遠也。口不評論臧否人物。文選五君咏注。

景元四年卒。籍善屬文。初不苦思。率爾便成。作五言詩咏懷八十餘篇。為世所重。文選五君咏注。

阮孚。咸子。字遙集。書鈔。

元帝以孚為安東參軍。蓬髮飲酒。不以王務嬰心。以上書鈔參軍引臧書。

時帝既用申韓以救世。而孚之徒。未能棄也。雖然。不以事任處之。轉丞相從事中郎。終日酣縱。恆為有司

所案。帝每優容之。書鈔從事中郎引晉書。

後拜散騎常侍。性既嗜酒。嘗以金貂換酒。為有司所彈。帝宥之。事類賦注。冠引晉書。

明帝即位。孚轉為吏部尚書。領東海一作賜。王師辭不拜。詔就家用之。尚書令郗鑒以為非體。一作禮。帝曰。就

家用之誠不快。不爾便廢才。爲當輕重。務推之耳。書鈔引

孚性好屐。或有詣阮。正自蠟屐。因自嘆曰。未知一生當著幾量屐。書鈔引

阮裕籍族弟。在剡。曾有好車。借無不給。有人葬母。意欲借而不敢言。後裕聞之。乃歎曰。吾有車而使人不敢借。何以車爲。遂命焚之。晉書

書鈔車引

### 嵇康

嵇康字叔夜。譙國人。文選琴賦注

少有奇才。同上

風姿清秀。高爽任真。書鈔

博覽經籍。無所不見。文選琴賦注

與魏宗室婚。拜中散大夫。書鈔

嵇康爲竹林之遊。預其流者。向秀、劉伶之徒。文選思舊賦注

嵇康過邯鄲。邯鄲人王烈。自言二百餘歲。共入山。得石髓如飴。卽自服半。餘半與康。皆凝而爲石。石室中

見一卷素書。呼吸之間。康取。輒不見。書鈔石

與呂安友善。文選琴賦注

東平呂安家事係獄。臺閣之始。安以語康。辭相證引。遂復收康。文選琴賦注。

後與安俱斬東市。文選琴賦注。

初康嘗遊乎西洛。暮宿華陽亭。引琴而彈。夜分忽有客詣之。稱是古人。與康共談音律。辭致清辯。因索琴彈之。而為廣陵散。聲調絕倫。遂以授康。仍誓不傳人。亦不自言其姓字。後康將刑東市。索琴彈之。曰。昔袁

孝尼嘗從吾學廣陵散。吾每靳固之。廣陵散於今絕矣。書鈔引晉書。

呂安。字仲悌。東平人也。文選思舊賦注。

安才氣高奇。文選稽淵碑文注。

安妻甚美。兄巽報之。巽內慙。誣安不孝。敗太祖徙安遠郡。卽路與康書曰。安白。昔李叟入秦。及關而歎。梁生適越。登岳長謠。夫以嘉遯之舉。猶懷戀恨。況乎不得已者哉。惟別之後。離羣獨遊。一作背榮宴。辭倫好。

經迴路。涉一作沙漠。雞鳴戒旦。則飄爾晨征。日薄西山。則馬首靡託。尋歷曲阻。則沈思紆結。乘一作登。高遠

眺。則山川悠隔。或乃迴颺。一作狂厲。白日寢光。踣躡。一作倚。交錯。陵隰相望。徘徊九皋之內。慷慨重阜之

嶺。進無所依。一作由。退無所據。涉澤求蹊。披榛覓路。嘯咏溝渠。良不可度。斯亦行路之艱難。然非吾心之所

懼也。至若蘭茝傾頓。桂林移植。根萌未樹。而牙淺絃急。一作常。恐風波潛駭。危機密發。一作斯。所以怵惕

於長衢。按轡而歎息。一無上也。又北土之性。難以託根。投人夜光。鮮不按劍。今將植橘柚於玄朔。蒂一作榮。

華藉於修陵。表龍章於裸壤。奏韶舞一作武於龔俗。固難以取貴矣。夫物不我貴。則莫之與。莫之與。則傷之。

者至矣。飄飄遠游之士。託身無人之鄉。總轡遐路。則有前言之艱一作難。懸鞍陋宇。則有後慮之戒。朝霞啟

暉。則身疲於一作而。過征。太陽戢曜。則情劬於一作而。夕惕肆目。平隰則遼一作寥。廓而無覩。極聽修原。則淹

一作掩。寂而無聞。吁其悲矣。心傷悴一作率矣。然後乃知步驟之士。不足為貴也。若迺顧影一作景。中原憤氣雲

踊。哀物悼世。激情風烈一作厲。龍睇一作嘯。大野虎嘯一作睇。六合猛氣一作志。紛紜雄心四據。思躡雲梯。橫奮八

極。披艱埽穢。蕩海夷岳。蹴崑崙使西倒。蹋太山令東覆。平滌九區。恢維宇宙。斯亦吾之鄙願也。時不我與。

垂翼遠逝。鋒距靡加。翅翮摧屈一作六。自非知命。誰一作執。能不憤悒者哉。吾子植根芳苑。擢一作灌。秀清流。

布一作晞。葉華崖。飛藻雲肆。俯據潛龍之淵一作渚。仰蔭棲一作游。鳳之林。榮曜眩其前。豔色餌其後。良儔一作晞。

交其左。聲名馳其右。翱翔倫黨之間。弄姿帳房之裏。從容顧眄。綽有餘裕。俯仰吟嘯。自以為得志矣。豈能

與吾曹同大丈夫之憂樂者哉。去矣嵇生。永一作遠。離隔矣。煢煢飄寄。臨沙漠矣。悠悠三千路。難涉矣。攜手

之期。邈無日矣。思心彌結。誰云釋矣。無金玉爾音。而有遐心。身雖胡越。意存斷金。各敬爾儀。敦履璞沉。繁

華流蕩。君子弗欽。臨書悵然一作臨紙。知復何云。太祖見而惡之。收安付廷尉。與康俱死。茶陵本文選思舊賦注

觀其所引上下文。實本干寶晉紀。則有此書可知。故依文選錄出。又按此書。嵇紹集以為趙至與嵇茂齊書。干寶晉紀

以為呂安與嵇康書。李善注文選時。尙不能定其適從。唐修晉書。從嵇紹集。故附趙至傳。臧書白從干寶晉紀。故附呂安傳。

向秀

向秀字子期，河內懷人也。文選思舊賦注。

秀始有不羈之志，與嵇康、呂安、友康既被誅，應本州計入洛。太祖問曰：聞有箕山之志，何以在此？秀曰：以爲巢許未達堯心，是以來見。反自役作思舊賦云：余與嵇康、呂安居止接近，其人並有不羈之才。然嵇志

意·遠而疏，呂心曠而放，其後各新作·以事見法。嵇博綜技藝，於絲竹特妙，臨當就命，顧視日影，索琴而

彈之，余逝將西邁，經其舊廬，於時日薄虞淵，新以唐諱作泉·寒冰淒然，鄰人有吹笛者，發聲寥亮，追思新作·曩昔

遊宴之好，感音而歎，故作賦云：將命適於遠京兮，遂旋反而新作·北徂。濟黃河以汎舟兮，經山陽之舊居。

瞻曠野之蕭條兮，息余駕乎城隅。踐二子之遺迹兮，歷窮巷之空廬。歎黍離之愍周兮，悲麥秀於殷墟。惟

古一作·昔以懷今一作·人兮，心徘徊以躊躇。棟宇存新作·而弗毀兮，形神逝其焉如。昔李斯之受罪兮，歎黃

犬而長吟。悼嵇生之永辭兮，顧日影而彈琴。託運遇於領會兮，寄餘命於寸陰。聽鳴笛之慷慨兮，妙聲絕

而復尋。停新作·駕君其將邁兮，遂新作·援翰而新作·寫心。後爲黃門郎卒。文選思舊賦並注。

劉伶

劉伶字伯倫，沛國人也。文選酒德頌注。

志氣放曠，以宇宙爲狹。同上



伶潛默少言。文選五君  
咏注。

伶常乘車。攜一壺酒。使人荷鍤而隨之。謂曰：死便埋我。文選五君咏注引臧書。書鈔鹿車  
引晉書。知書鈔所引多係臧書。

著酒德頌曰：有大人先生。以天地爲一朝。萬期一作朝爲須臾。日月爲扃牖。八荒爲庭衢。行無轍迹。居無室

廬。幕天席地。縱意所如。止則操卮執觚。動則挈榼提壺。惟酒是務。焉知其餘。有貴介公子。搢紳處士。聞吾

風聲。議其所以。乃奮袂攘襟。怒目切齒。陳說禮法。是非鋒起。一作蜂起先生於是方捧罍承槽。銜杯漱醪。奮

髯蹠一作箕。踞枕麴藉糟。無思無慮。其樂陶陶。兀然而醉。豁一作悅爾而醒。靜聽不聞雷霆之聲。執視不覩泰

山之形。不覺寒暑之切肌。利欲之感情。俯觀萬物。擾擾焉如江漢一作海之載浮萍。二豪侍側焉。如蜾蠃之

與螟蛉。嘗爲建威參軍。文選酒德  
頌并注。

卒以壽終。同上

### 胡母輔之

太山胡母輔之。以家貧求試。守繁昌令。始節酒自厲。甚有能名。書鈔引  
晉書。

輔之嘗過河南門下飲。使門卒王子博取火。子博曰：我卒也。唯不乏事則已。安能爲人使。輔之因就與語。

歎曰：吾不及也。薦之河南尹樂廣。以爲功曹。事類賦注。火  
引晉書。

### 庾峻

庾峻字山甫。書鈔

峻爲御史中丞。威而不剋。書鈔

拜侍中。出入王命。盡忠補益。常侍坐世祖。命講詩。中庶子何劭論風雅正變之義。峻起難往。反。四坐辨質。

莫能屈之。書鈔

庾斡。峻子字子嵩。御覽二百四十九

斡原引作遷吏部郎。是時天下多故。機變屢起。斡常靜默無爲。書鈔引

參東海王越。太傅軍事。從子亮。少時見斡在太傅府。言府多名士。皆一世秀異。斡處其中。常自神王。御覽二百四十九

九引臧

郭象

郭象字子玄。書鈔

爲太傅主簿。甚見親委。遂任職專。勢專領軍一府。書鈔

庾純

庾純庾嶷弟字謀甫。門宗最知名。博學有才義。爲世儒宗。早有公望。書鈔引

皇甫謐

皇甫謐字士安。安定朝那人。文選三都賦序注。

漢皇甫嵩曾孫。皇甫嵩與賈逵同歲舉計。至丞相府。曹公唯留嵩與言。良久便辭之。嵩知己直亮。不能隨

時。乃乘單車入蜀。書鈔引晉書。

皇甫謐年二十不學。遊蕩無度。嘗得瓜果。輒進所後叔母任氏。任氏曰。孝經云。三牲之養。猶爲不孝。汝今

年餘二十。目不存教。心不入道。無以慰我。因歔欷流涕。謐遂感激。折節強學。事類賦注。瓜引晉書。

年二十始受書。文選三都賦序注。

得風痺疾。猶手不輟卷。文選

舉孝廉不行。文選三都賦序注。

謐自表就帝借書。帝送一車書與之。謐雖羸疾。而披閱不怠。書鈔引晉書。

咸寧初。詔曰。男子皇甫謐。沈靜履素。守學好古。其以謐爲太子中庶子。書鈔引晉書。

又辟著作。不應。卒於家。文選三都賦序注。

士安幼沈靜寡欲。有高尙之志。以著述爲務。自號元晏先生。後得風痺疾。因而學醫。習覽經方。手不輟卷。

遂盡其妙。御覽七百二十二。

### 摯虞

摯虞字仲洽。書鈔

少事皇甫謐。才學通博。著述不倦。同上引晉書

舉賢良。書鈔

擢爲太子舍人。書鈔

束皙

武帝問尚書郎摯虞。三日曲水事。摯曰。漢章帝時。平原徐肇。以三月初生三女。至三日俱亡。一村以爲怪。乃相攜至水邊洗除。因流水以濫觴。遂以成俗。帝曰。若如所說。非嘉事也。束皙對曰。摯虞小生。未究其本。此事起自周公。卜成洛邑。因流水泛酒。故逸詩。羽觴隨波流。及秦昭王時。三日上巳。置酒河曲。遂有金人自泉而出。奉水心劍於王。曰。令君制有西夏。此卽其處。因立爲曲水焉。二漢相沿。爲盛集。帝嘉皙對。御覽一百五十八。雖引晉書。與新不同。

郤詵

郤詵爲雍州刺史。帝於東堂餞之。問詵曰。卿自以爲何如。詵對曰。臣舉賢良。對策爲天下第一。猶桂林之一枝。昆山之片玉。世祖笑。侍中奏免詵。詔曰。吾與之戲耳。御覽五十七。

華譚

譚好學不倦。爽慧有口辯。爲鄰里所重。揚州刺史周浚引爲從事。史愛其才器。待以賓友之禮。書鈔引

太康初。刺史嵇紹舉譚秀才。同上

譚素以才學爲東土所推。博士王濟於衆中嘲之曰。君吳楚之人。亡國之餘。有何秀異。而應斯舉。譚答曰。秀異固產於方外。不出於中域也。是以明珠文具。生於江鬱之濱。夜光之璞。出乎荆藍之下。以人求之。文

王生於東夷。大禹生於西羌。書鈔引晉書

華譚移前松滋。令表甫曰。枯澤非應龍之泉。平林非鸞鳳之窟。御覽五十七

### 陸機

陸機字士衡。吳郡人也。祖遜。吳丞相。父抗。吳大司馬。文選歎逝賦及文賦注

機少襲領父兵。爲牙門將軍。年二十而吳滅。退臨舊里。與弟雲閉門勤學。積十一年。文選文賦注歎逝賦注略

機譽流京華。聲溢四表。被徵爲太子洗馬。與弟雲俱入洛。司徒張華素重其名。如舊相識。以文錄呈。天才

綺練。當時獨絕。新聲妙句。係一作繼蹤張蔡。機妙解情理。心識文體。作文賦曰。今每觀才士之所作。竊有以

得其用心。夫放言遣辭。良多變矣。妍蚩好惡。可得而言。每自屬文。尤見其情。恆患意不稱物。文不逮意。蓋

非知之難。能之難也。故作文賦。以述先士之盛藻。因論作文之利害所由。佗日殆可謂曲盡其妙。至於操

斧伐柯。雖取則不遠。若夫隨手之變。良難以辭逮。蓋所能言者。具於此云。佇中區以玄覽。願情志於典墳。

遵四時以歎逝。瞻萬物而思紛。悲落葉於勁秋。喜柔條於芳春。心懷懷以懷霜。志眇眇而臨雲。詠世德之駿烈。誦先人之清芬。遊文章之林府。嘉麗藻之彬彬。慨投篇而援筆。聊宣之乎斯文。其始也。皆反視收聽。耽思傍訊。精驚八極。心遊萬仞。其致也。情曠曠而彌鮮。物昭晰而互進。傾羣言之瀝液。漱六藝之芳潤。浮天淵以安流。濯下泉而潛浸。於是沈辭怫悅。若遊魚銜鉤。而出重淵之深。浮藻聯翩。若翰鳥纓繳。而墜曾雲之峻。收百世之闕文。採千載之遺韻。謝朝華於已披。啟夕秀於未振。觀古今於須臾。撫四海於一瞬。然後選義按部。考辭就班。抱暑者咸叩。懷響者畢彈。或因枝以振葉。或沿波而討源。或本隱以之顯。或求易而得難。或虎變而獸擾。或龍見而鳥瀾。或妥帖而易施。或岨嶴而不安。罄澄心以凝思。眇衆慮而爲言。籠天地於形內。挫萬物於筆端。始躑躅於燥吻。終流離於濡翰。理扶質以立幹。文垂條而結繁。信情貌之不差。故每變而在顏。思涉樂其必笑。方言哀而已歎。或操觚以率爾。或含毫而邈然。伊茲事之可樂。固聖賢之所欽。課虛無以責有。叩寂寞而求音。函緜邈於尺素。吐滂沛乎寸心。言恢之而彌廣。思按之而逾深。播芳蕤之馥馥。發青條之森森。粲風飛而焱豎。鬱雲起乎翰林。體有萬殊。物無一量。紛紜揮霍。形難爲狀。辭程才以效伎。意司契而爲匠。在有無而僂俛。當淺深而不讓。雖離方而遯員。期窮形而盡相。故夫夸目者尙奢。愜心者貴當。言窮者無隘。論達者唯曠。詩緣情而綺靡。賦體物而瀏亮。碑披文以相質。誄纏緜而悽愴。銘博約而溫潤。箴頓挫而清壯。頌優遊以彬蔚。論精微而朗暢。奏平徹以閑雅。說煒曄而譎誑。雖區分

之在茲。亦禁邪而制放。要辭達而理舉。故無取乎冗長。其爲物也。多姿。其爲體也。屢遷。其會意也。尙巧。其遣言也。貴妍。暨音聲之迭代。若五色之相宣。雖逝止之無常。固崎嶇而難便。苟達變而識次。猶開流以納泉。如失機而後會。恆操末以續巔。謬玄黃之秩敍。故渙浥而不鮮。或仰逼於先條。或俯侵於後章。或辭害而理比。或言順而義妨。離之則雙美。合之則兩傷。考殿最於錙銖。定去留於毫芒。苟銓衡之所裁。固應繩其必當。或文繁理富。而意不指適。極無兩致。盡不可益。立片言而居要。乃一篇之警策。雖衆辭之有條。必待茲而效績。亮功多而累寡。故取足而不易。或藻思綺合。清麗千眠。炳若緝繡。悽若繁絃。必所擬之不殊。乃關合乎曩篇。雖杼軸於予懷。忱佗人之我先。苟傷廉而愆義。亦雖愛而必捐。或若發穎豎。離衆絕致。形不可逐。響難爲係。塊孤立而特峙。非常音之所緯。心宰落而無偶。意徘徊而不能掃。石韞玉而山輝。水懷珠而川媚。彼榛楛之勿翦。亦蒙榮於集翠。綴下里於白雪。吾亦濟夫所偉。或託言於短韻。對窮迹而孤興。俯寂寞而無友。仰寥廓而莫承。譬偏絃之獨張。含清唱而靡應。或寄辭於瘁音。徒靡言而弗華。混妍蚩而成體。累良質而爲瑕。象下管之偏疾。故雖應而不和。或遺理以存異。徒尋虛以逐微。言寡情而鮮愛。辭浮漂而不歸。猶絃么而徽急。故雖和而不悲。或奔放以諧合。務嘈囀而妖冶。徒悅目而偶俗。固高聲而曲下。寤防露與桑間。又雖悲而不雅。或清虛以婉約。每除煩而去濫。闕大羹之遺味。同朱絃之清汜。雖一唱而三歎。固旣雅而不豔。若夫豐約之裁。俯仰之形。因宜適變。曲有微情。或言拙而喻巧。或理朴而辭輕。或襲

故而彌新。或沿濁而更清。或覽之而必察。或研之而後精。譬猶舞者赴節以投袂。歌者應絃而遣聲。是蓋輪扁所不得言。故亦非華說之所能精。普辭條與文律。良余膺之所服。練世情之常尤。識前修之所淑。雖濬發於巧心。或受吹與蚩同於拙目。彼瓊敷與玉藻。若中原之有菽。同囊籥之罔窮。與天地乎並育。雖紛藹於此世。嗟不盈於予掬。患挈餅之屢空。病昌言之難屬。故蹠蹠於短垣。放庸音以足曲。恆遺恨以終篇。豈懷盈而自足。懼蒙塵於叩缶。顧取笑乎鳴玉。若夫應感之會。通塞之紀。來不可遏。去不可止。藏若景滅。行猶響起。方天機之駿利。夫何紛而不理。思風發於胃臆。言泉流於脣齒。紛威蕤以馭選。唯毫素之所擬。文徽徽以溢目。音泠泠而盈耳。及其六情底滯。志往神留。兀若枯木。豁若澗流。攪營魂以探頤。頓精爽於自求。理翳翳而愈伏。思乙乙其若抽。是以或竭情而多悔。或率意而寡尤。雖茲物之在我。非余力之所勦。故時撫空懷而自惋。吾未識開塞之所由。伊茲文之爲用。固衆理之所因。恢萬里而無闕。通億載而爲津。俯貽則於來葉。仰觀象乎古人。濟文武於將墜。宣風聲於不泯。塗無遠而弗彌。理無微而弗綸。配霑潤於雲雨。象變化乎鬼神。被金石而德廣。流管絃而日新。文選文賦并注。

大熙末。太傅楊駿辟機爲祭酒。文選爲買諱作贈陸機注。

楊駿議徵機爲太子洗馬。文選宴玄圃宣猷堂詩注。又謝平原內史表注。

吳王晏出鎮淮南。以機爲郎中令。文選答買長淵注。



機爲尙書中兵郎。同上繼轉殿中郎。又爲著作郎。同上謝平原內史表注。

趙王倫輔政。引爲相國參軍。趙王倫篡位。遷帝於金墉城。後諸王共誅倫。復帝位。齊王問譖機爲倫作禪

文。賴成都王穎救之。免死。文選閔葵詩注。雖引晉書。與新書異。

機惡齊王問。於功自伐。受爵不讓。及齊亡。作豪士賦。以刺焉。其序曰。夫立德之基有常。而建功之路不一。

何則。循一作修心以爲量也。存乎我。因物以成務者。係乎彼。存夫一作平我者。隆殺止乎其域。係乎物一作彼者。

豐約唯所遭遇。落葉俟微風。一作颼以隕。而風之力蓋寡。孟嘗遭雍門而一作以泣。而琴之感以末。何者。一作

欲隕之葉。無所假烈風。將墜之泣。不足煩哀響也。是故苟時啟於天。理盡於民。一作人庸夫可以濟聖賢之

功。斗筭可以定烈士之業。故曰。才不半古。而功已倍之。蓋得之於時勢。一作世也。歷觀古今。徼一時之功。而

居伊周之位者。有矣。夫我之自我。智士猶嬰其累。物之相物。昆蟲皆有此情。夫以自我之量。而挾非常之

勳。神器暉其顧盼。萬物隨其俯仰。心玩居常之安。耳飽從諛之說。豈識乎功在身外。任在才表者哉。且好

榮惡辱。有生之所大期。忌盈害上。鬼神猶且不免。人主操其常柄。天下服其大節。故曰。天可讎乎。而時有

絺服荷戟。立乎廟門之下。援旗誓衆。奮於阡陌之上。況乎代一作世主制命。自下財一作裁。物者哉。一作乎廣樹

恩。不足以敵怨。勤與利。不足以補害。故曰。代大匠。劉者必傷其手。且夫政由寧氏。忠臣所爲。一作以慷慨。祭

則寡人。人主所不久堪。是以君奭鞅鞅。不悅公旦之舉。高平師師。側目博陸之勢。而成王不遣嫌吝於懷。

宣帝若負芒刺於背。非其然者歟。嗟乎。光於四表。德莫富焉。王曰叔父。親莫昵焉。登帝大位。功莫厚焉。守節沒齒。忠莫至焉。而傾側顛沛。僅而自全。則伊生抱明允以嬰戮。文子懷忠敬而齒劍。固其所也。因斯以言。夫以篤聖穆親。如彼之懿。大德至忠。如此之盛。尙不能取信於人主之懷。止謗於衆多之口。過此以往。惡覩其可。安危之理。斷可識矣。又況乎饜大名以冒道家之忌。運短才而易聖哲所難者哉。身危由於勢過。而不知去勢以求安。禍積起於寵盛。而不知辭寵以招福。見百姓之謀已。則申宮警守。以崇不畜之威。懼萬民一作方之不服。則嚴刑峻制。以賈傷心之怨。然後威窮乎震主。而怨行乎上下。衆心日墜。危機將發。而方偃仰瞪眊。一作眊謂足以夸世。笑古人之未工。忘己事之已拙。知曩勳之可矜。暗成敗之有會。是以事窮運盡。必於一作有顛仆。風起塵合。而禍至常酷也。聖人忌功名之過已。惡寵祿之踰量。蓋爲此也。夫惡欲之大端。賢愚所共有。而遊子殉高位於生前。志士思垂名於身後。受生之分。唯此而已。夫蓋世之業。名莫大焉。震主之勢。位莫盛焉。率意無違。欲莫順焉。借使伊人頗覽天道。知盡不可益。盈難久持。超然自引。高揖而退。則巍巍之盛。仰邈前賢。洋洋之風。俯冠一作觀來籍。而大欲不一作止於身。至樂無愆乎舊。節彌效而德彌廣。身逾逸而名逾劭。此之不爲。彼之必昧。然後河海之迹。堙爲窮流。一篲之疊。積成山岳。名編凶頑之條。身馱荼毒之痛。豈不謬哉。故聊賦焉。庶使百世少有寤云。文選豪士賦序并注

世有豪士兮。遭國顛沛。攝窮運之歸期。嘗衆通之所會。苟時至而理盡。譬摧枯而振敗。因天地以運動。恆

才瓌而功大。於是禮極上典。服盡暉崇。儀北辰以葺宇。實蘭室而桂宮。撫玉衡於樞極。運萬物乎掌中。伊天道之剛健。猶時至而必饜。日罔中而弗昃。月何盈而不闕。襲覆車之危軌。笑前乘之去穴。若知險而退止。趨歸蕃而自戢。推璇璣以長謝。顧萬物而高揖。託浮雲以邁志。豈咎吝之能集。擠爲山以自隕。歎禍至於何及。按此賦自必全載。故姑依略見於類聚諷類者錄出。以俟攷。

成都王表理機起爲平原內史。到官上表謝恩曰。陪臣陸機言。今月九日。魏郡太守遣兼丞張含齋板詔書印綬。假臣爲平原內史。拜受祗竦。不知所裁。臣機頓首死罪死罪。臣本吳人。出自敵國。世無先臣宣力之效。才非邱園耿介之秀。皇澤廣被。惠濟無遠。擢自羣萃。累蒙榮進。入朝九載。歷官有六。身登三閣。官成兩宮。服冕乘軒。仰齒貴游。振景拔迹。顧邈同列。施重山岳。義足灰沒。遭國顛沛。無節可紀。雖蒙曠盪。臣獨何顏。俛首頓膝。憂愧若厲。而橫爲故齊王罔所見。枉陷。誣臣與衆人共作禪文。幽執囹圄。當爲誅始。臣之微誠。不負天地。倉卒之際。慮有逼迫。乃與弟雲。及散騎侍郎袁瑜。中書郎馮熊。尙書右丞崔基。廷尉正顧榮。汝陰太守曹武。思所以獲免。陰蒙避迴。崎嶇自列。片言隻字。不關其間。事蹤筆跡。皆可推校。而一朝翻然。更以爲罪。叢爾之生。尙不足矣。區區本懷。實有可悲。畏逼天威。卽罪惟謹。鉗口結舌。不敢上訴。所天莫大之釁。日經聖聽。肝血之誠。終不一聞。所以臨難慷慨。而不能不恨恨者。惟此而已。重蒙陛下愷悌之宥。迴霜收電。使不隕越。復得扶老攜幼。生出獄戶。懷金拖紫。退就散輩。感恩惟咎。五情震悼。跼天躋地。若無

所容不悟日月之明。遂垂曲照。雲雨之澤。播及朽瘞。忘臣弱才。身無足采。哀臣零落。罪有可察。苟削丹書。得夷平民。則塵洗天波。謗絕衆口。臣之始望。尙未至是。猥辱大命。顯授符虎。使春枯之條。更與秋蘭垂芳。陸沉之羽。復與翔鴻撫翼。雖安國免徒。起紆青組。張敞亡命。坐致朱軒。方臣所荷。未足爲泰。豈臣蒙垢含羞。所宜忝竊。非臣毀宗夷族。所能上報。喜懼參并。悲慙哽結。拘守常憲。當便道之官。不得束身奔走。稽顙城闕。瞻係天衢。馳心輦轂。臣不勝屏營延仰。謹拜表以聞。

文選謝平原內史表并注。

陸雲。

雲補浚儀令。縣居都會之要。名爲難理。雲到官肅然。下不能欺。市無二價。書鈔引晉書。

雲去官。百姓追思之。圖畫形像。配食縣社。書鈔引晉書。